韓柳

商務即書館業行物文研究法

041.2






文多部門 一 ん 19







韓柳文研究法序

辛苦以獲有者傾困竭廩唯恐其言之不盡後生得此其知所津逮矣雖然 究法見示且屬識數言世之小夫有一得輒越以自矜而先生獨舉其平生 別三年再晤陵谷遷變矣而先生之箸書談文如故一日出所謂韓梛文研 之數十年說其義玩其辭醰醰乎其有味也往與余同客京師一見相傾倒 所自為者則矜慎斂遏一根諸性情劬學不倦其於史漢及唐宋大家文誦 **今之治古文者稀矣畏處先生最推爲老宿其傳譯稗官雜說徧天下顧其**

久誦讀如先生決矣故先生言之也人之得不得於先生何與乃必傾囷竭 之而悠然有會乃取先生之言證之或反疑其不必言然而不言則必不能

此先生之所自得也人不能以先生之得爲己之得則仍誦讀如先生焉久

\$P\$ 初文研究法

者乎桐城馬其昶序 **廩唯恐其言之不盡嗚乎同類之相感相成其殆根於性情亦有弗能自己**



韓文研究法

蘇明允稱韓文能抑絕蔽掩不使自露不佞久乃覺之蔽掩昌黎之長技也。 義法有所未嫻而且韓文之所不屑者則煩絮而道之韓文之所致意者則 功比于武事可謂雄偉不常者矣心疑其說之過旣而泛溫于雜家不惟于 韓氏之文不佞讀之二十有五年初誦李漢之言謂公之于文摧陷廓清之 不善學者往往因蔽而晦累掩而澀此弊不惟樊宗師卽皇甫持正亦恆蹈 陷廓清者或在是也。 籬樊學韓則障礙爲之空常人流滑之口吻學韓則結習爲之除漢所謂摧 結構不如是也實則韓氏之能能詳人之所略又略人之所詳常人恆設之 簡略而過之有時故作興會而韓之布陣不如是也有時謬爲拗曲而韓之

文 研究法

能識昌黎爲蔽掩而明允之文固非蔽掩者也吾思昌黎下筆之先必唾棄 之所難者能於蔽掩中有淵然之光蒼然之色所以成爲昌黎耳雖然明允 主腦用正眼藏施其神通以怖人人又安從識者。 步換形,只在此山之中,而幽窈曲折,使入者迷惘而按之實理又在在具有 無數不應言與言之似是而非者則神志已空定如山嶽然後隨其所出移

據遷固獵屈宋折之以孔氏其論去李漢遠矣韓文之據遷固容或有之至 淮海文字亦饒有風槪顧終不能成為大家其論韓文謂能鉤莊列挾蘇張

伸認指爲蘇張詎知昌黎信道篤讀書多析理精行之以海涵地預之才施 正道匡俗又焉肯拾蘇張之餘睡淮海見其離奇變化認指爲莊列縱橫引

之以英華穠郁之色運之以神樞鬼藏之祕淮海目爲所眩妄引諸人以實

鉤莊列挾蘇張可決其必無昌黎學術極正闢老矣胡至乎鉤莊列且方以

古之特見折衷于孟軻荀卿揚雄三子之論獨標真蘊其警快處能使人首 學者有塗軌可尋故原道一篇反覆伸明必大暢其所蓄而後止原性具萬 見素詩布置最得正體如官府甲第廳堂房室各有定處不可亂也須知文 布置每見後學多告以原道命意曲折後以此樂求古人法度如老杜贈韋 復衷之法律俾學者循其塗軌而進即可因文以見道黃山谷日文章必謹 于口故無傳耳昌黎於原道一篇疏溶如導壅發明如燭闇理足于中造語 質過于文深于文者。逐不目之以文。但目之以道道可喻于心不能常宣之 者也宋之道學家如程朱至矣問有論道之文習誦于學者之口者耶亦以 讀昌黎五原篇語至平易然而能必傳者有見道之能復能以文述其所能 之又鳥知昌黎哉 之不亂恃其有法始不亂也昌黎生平好弄神通獨于五原篇沈實樸老使 韓文研究法

法

識力。 肯其說其接引處能使人堅信其說原毀則道人情之所以然曲曲皆中時 爲說馬為獲麟解爲進學解爲諱辯爲伯夷頌。 昌黎雜著自五原迄于諸篇體制背類子書而不佞所最心折者爲對禹問。 沈岭反覆心傷世道逐不期成為至文耳原人括原鬼正均足以腦學者之 肆譽而恶薄之人情揭諸篇點一無所漏所贈序與書多不平語而此篇獨 意必有毀之者故婉轉敍逃毀之所以生與見毀者之所以被禍之故未當 俗之弊公當日不見直于貞元之朝時相爲趙憬賈耽盧邁咸不以公爲能。

子則與子。一說意正而語尚未得根據公獨日舜不能以傳禹堯爲不知人。 禹之傳子異于堯舜故萬章一問孟子委之於天實則天與賢則與賢天與

禹不能以傳子。舜爲不知人。待人而傳無論人也子也惟賢而已自有此語。

滿意得別無剩義可求矣。 到此幾無餘地可以轉旋矣忽叫起馬之千里者五字似從甚敗之中挺出 落伯樂不常有則一天歡喜都淒然化爲冰冷且說到駢死槽櫪之間行文 篇入手伯樂與千里馬對舉成文似千里馬已得倚賴可以自酬其知一跌 中別無餘望兩篇均重在知字篇幅雖短而伸縮蓄洩實具長篇之勢說馬 說馬及獲麟解皆韓子自方之辭也說馬語北言外尚有希求解麟詞悲心 理又甚切實造結束又聲明孟子所以歸本于天之故實則文字到此已志 待而傳也不可待而傳傳啓亦等諸傳賢初無二致于文字則至明豁于道 義日禹之後四百年然後得桀亦四百年然後得湯與伊尹湯與伊尹不可 立將公私畛域。一語打通而又防禹後之有桀天下實受其亂則又爲之補 生力之軍怒騎犯陣神威凛然既而折入不知其能句則仍是奴隸人作

交研究

主雖有才美一無所用興致仍復索然至云安求其能千里也安求二字猶

以冷雋語折服其入使之生媲文心之妙千古殆無其匹至於獲麟一解格 者何能與抗故結穴以歎息出之以眞無眞不知相質問旣不自失身分復 過于羣中別爲千里之馬蘇無辜可以不待別而知爲鳞至於不待別而知 同而行文則徵有不同古有知馬之伯樂無知麟之伯樂且馬有羣伯樂不 則材尙可以盡意尙可以通若但抹煞一言曰天下無馬則一朝握權懷才 有須斯生機似主者尚有欲得千里馬之心弊在不知而已尚有道以御馬

者而仍不知則歸之遇蹇矣此昌黎所由用以自方也入手引詩書春秋傳

記百家之書皆知爲鮮用別于千里馬之徒賴一伯樂似天下有普通共識 之賢士無可疑者願以不畜于家不恆有于天下之故凡賤眼中盼眄不到。

其所宿知而素稔者馬牛犬豕之屬見得天下皆凡材無殊特之彦故雖有

詩旣沈黑牽拗讀之棘齒進學解則所謂沈浸濃郁含英咀華者眞是一篇 進學一解本于東方客難揚雄解嘲孫可之比諸玉川子月蝕詩謬矣月蝕 占身分是昌黎長技。 有千里之能抹煞之日無馬有蓋代之群抹煞之日不祥語語牢騷卻語語 **麟與千里馬千里馬不幸遇奴隸麟不幸遇俗物斥爲不祥然出背非時故** 聖人即屬知馬之伯樂然伯樂與聖人皆不常有之人而昌黎自命則不亞 拈來自己較量謂汝所知者我亦背知唯麟也為我之獨知不能盼爾之知。 祥亦復何害用亦宜二字似爲收煞之筆忽曰歸之出必有聖人在乎位此 爾之所謂不祥。正我私心之所謂祥。亦詩書春秋之所謂祥。從俗中指爲不 麟而仍不知行文至此爲勢頗促以下亦無餘語作者忽從俗人眼中之知 .文字李華有其氣然微枵蕭穎士有其韻然微脆昌黎所長在濃淡疏

文研究法

外,大旨不外以已所能借人口爲之發洩爲之不平極口肆詈然後製爲答 密相間錯而成文骨力仍是散文以自得之神隨略施丹鉛風乐遂煥然于 曲。史公傳伯寅患己之無傳故思及孔子表彰伯夷傷知己之無人也昌黎 諱辯一首已見之文章流別今不具論唯伯夷一頌大致與史公同工而異 而啼笑橫生莊諧問作文心之狡獪歎觀止矣。 樂天安命而已其驟也若盲風懣雨其夷也若遠水平沙文不過一問一答 詞引聖賢之不遇時爲解說到極謙退處愈顯得世道之乖人情之妄只有

及身已定特借伯夷以發揮耳蓋公不遇于貞元之朝故有託而洩其憤不

敢爲人之不能爲而名仍存于天壤而已身自問亦特立獨行者千秋之名。 凡人譽之則自以爲有餘一凡人沮之則自以爲不足見得伯夷不是凡人。 **頸伯夷。信己之必傳故語及豪傑不因毀譽而易操。日今世之所謂士者。**

者既有是言置之不辯可也既欲辯之則不能不費周章文敍左遷之先收 于一夫之目而爲之憂樂一語則退之心中不必推服鄭湖可想而知顧護 豈真知我宛類退之平日口吻讀昌黎與崔立之書謂肯與斗筲者決得失 **茂密意氣恬靜無乎昔崛强之氣鄙見聽者設言甚肖退之之自言謂相國** 爲鄭絪爲李吉甫二人非能貴退之者亦非能禍退之者退之此文則敬慎 姫使奄楚以瓊釋言謂以言自解釋也昌黎用此釋讒者之言然是時宰相 在于此等處者限方知古人之文非無爲而作也退之釋言篇蓋取國語顯 知者謂爲專指伯夷而言夫伯夷之名孰則弗知寧待頌者讀昌黎文當在 友又無宿資蓄貨以釣聲勢純是一派俗話糞宰相哀憐蓋識鄭絪爲勢燄 又言傲者必有所恃而己親族鮮少無扳聯之勢不善交人無相先相死之 用同見之先賜坐呈文之獨受知以感恩之言堅宰相之信己不敢爲傲也。

中人不如是不足以動之也繼亦知踐者言工省己口吻萬無可伸辯則自 信宰相之決不傾聽用自慰藉實則退之之文雖工至此亦無可如何矣累

張中丞傳後敍蓋仿史公傳後論體、采遺事以補傳中所不足也如背誦漢 此區區者就文論文極和婉有致無中生有微合于邦無道言孫之義。

相翰林商量己事實則此三人全非退之知己方自營仕進之不暇奚暇及 及三賢于是復綜言三賢之決不聽讒以自解釋結束處用空中樓關代等 以譽鄭級之言進譽裴李究竟中心積忿故歸而痛斥讓人復防怒讒而傷 月之後聞裴李亦中讒言心乃愈懼又不知讒者之用何道辯亦無術只有

書記城中卒伍姓名起旋慰同斬者之涕泣事近繁碎然爲傳後補遺之體

則可引爲張巡傳中正事則事更有大於此者李翰書正坐太繁極爲歐陽

文忠所識然退之此文歷落有致夾敍夾議歐陽公述王鐵槍事殆脫胎于

耳胡曰善學。 記中之結束。學文者當從此處著眼方有把握者但學其字法句法殊皮毛 文心之妙。能舉不相偶之事對舉成偶。眞匪夷所思惟人馬之外。倘有雜畜 馬之事復最之日凡馬之事二十有七爲馬大小八十有三而莫有同者焉。 莫有同者焉夫人有事也馬屬於人。尚有何事乃以牽涉翹顧鳴寢諸態爲 爲記文合以上之人馬最之日凡人之事三十有二爲人大小百二十有三 到入手叙人其次叙馬又次叙雜畜器物若無所收束直是一卷賬本何名 <u>葫蘆省亦何益本文初無他奇奇在兩用凡字。一用皆字實庸手所萬不能</u> 書記極生峭却最易學如羅漢渡海龍生請齊圖記幾于無語不肖顧依樣 及兵仗之屬此不可凡者也乃總束之曰皆曲極其妙歸入畫工好處即爲

文研究 壮

不至爲塞責,一日繁官於朝顧莫之遂,再日便道取疾以至海上又不得過 王閣本可立至旣爲王所屬作記若寫江上風物度不能超過子安故僅以 嘗不爲之神爽當昌黎刺袁州時王仲舒適觀察江南西道即今之南昌滕 杉木積疊商舶攒聚人聲囂雜想除王舊時之風景盡矣然韻子安之文未 隱然一小山耳水落沙明所謂長天一色者亦屬目可盡且沙上多蓋小屋。

凡不親其地代人作記為事甚難王子安序多失實所謂西山僕曾一見之

文研

退之鄆州谿堂詩序長安薛氏有皇甫湜手帖云鄭塘特高古風敵樹降旗。

明記照水堂蘇子瞻爲黎希聲記遠景樓其辭雖異大意略同。

歐陽永叔爲史中輝記峴山亭尹師魯爲燕公亦記峴山亭蘇子美爲李然 政蹟與修閣之緣起力與王勃之序王緒之賦相避自是行文得法處後此 南昌三日吾州乃無一事可假而行者舍滕王閣外之風光逃觀察新來之

魏徐之同時而叛以形鄆之截然中居而鄆之舊治復五十五年爲廚巢而 雨而吾亭適成句天然入題讀者動色退之則一不須此只就題前叙摠忠 堂娛樂之張本歐公作畫錦堂記入手卽顧題東坡作喜雨亭記因百姓得 **摠直安居以治之逐層叙述甚與堂無涉不知能使此一方治平即可以爲** 也日成日定日固日靖則摠信之能措此州于磐石也而又不已更用幽鎮 獨從其大處著眼首舉天平軍。示州之無叛人也州人安公明摠之能撫衆 **摠爲堂於其居之西北隅號日谿堂夫一堂之築與時政一無關係而退之 摠所統者鄭杳濮也堂作于幽鎭魏徐煽亂之後鄭獨不反遂封摠開國伯。** 李師道以降青淄十二州皆平戶部楊侍郎於陵爲宣慰使分其地爲三道 名曰詩序,直是馬摠之德政碑。此爲元和十四年,平虛都知兵馬使殺節度 而作者之下,何人能及矣鄭塘者即鄆州谿堂也此文骨髓之重風貌之古。

概政績其力量皆可爲堂以娛鋄饗士通上下之志而風度之凝遠氣體之

柳文研究

諍臣論甚切直然能易爲與書則善矣。 聖德詩火色稍減雖以荆公之拗折學之亦不能至宜多讀以領取其聲饋。 嚴重聲調之激越直可作碑版文字讀之詩亦全用散文驅駕之法較元和

中發洩亦由與書體竟匪不消納儘可惟意所嚮獨昌黎與人書則因人而 與書一體漢人多求詳盡如司馬遷之報任少卿李陵之答蘇武是也六朝 變其詞有陳乞者有抒憤駡世而吞咽者有自明氣節者有講道論德者有 人則簡貴不多說話前清考訂家則務極穿穴幾于生平所知所能盡于書

昌黎三上宰相書極為張子韶所譏鄙見自戰國及漢初上書言事者或藉

字熟讀不已可悟無數法門

解釋文字為人導師者。一篇之成必有一篇之結搆未嘗有信手揮遞之文

者載詩義至二百餘字之多蓋可知矣。 **艷之戀耳,昌黎時方二十八歲文字稍縱不如晚年之凝斂,但觀解釋菁菁** 忌顧昌黎此時亦只能作如此收煞固不取顯然艇觸故留餘波爲三宿出 **贵良非時宰所及昌黎第一書展引經義行文徵病繁瓊惟云上之化下得 鞏所及知必駭笑爲迂鴻而置之蓋與常人言當動之以利害者以古義相** 以進身。比比而是不足深異吾特惜昌黎之書陳義過高非趙憬賈耽盧邁 則第二書直視爲佞哀詐泣之言至第三書鬱怒之氣微泄言表此更觸其 必傷加之義望三人以相君之道氣雖壯而言實新宜三子之更不入也第 也此直上聖之作用謂趙憬賈耽虛邁能之邪其後迴環往復引伸勸賞不 其道則勸賞不必徧加乎天下。而天下從焉因人之所欲爲而遂推之之謂 一書則情切而勢迫矣語雖沈痛仍不能動者以第一書不足搗入其心坎。

于今世明明爲道悲偏言爲東野悲悲東野之道不行即悲已之道不行寄 **說到道字而抱道自高不爲時賞叉胡能言樂矧東野之行古道當更不宜** 無和倡無和所以獨行身既獨行則當世之是非遂不爲一已之是非且不 孟東野書說到自己著眼在一樂字說到東野著眼在一悲字言無倡所以 昌黎懷才不遇間有人叩以文章則昌黎報書其語必與仕進相關係其與

道字于東野身上。因東野而自悲分外尤見親密答簽秀才書則公方于貞 身勤事左辭重請約見得凡能文抱道之人至惴惴無以冀朝夕似文與道 元十九年貶陽山令滿懷牢騷無處發洩而寶公時適以此至縣請粟告以

均不祥之物,與既坐廢窮困。益之以罪秀才來請又奚爲者,一面說朝廷求

司之衡才又可知褒詞與貶詞分作兩橛用法使讀書者解悟其用意此巧 一面說當道皆良有司然簡位之上用一鉤字則朝廷之求賢可知良有

得失於一夫之目此所以無俸將有唐科舉之學罵到一錢不值其下亦實 吐其前此爲蒙昧所屈抑之氣通篇無一語不是昌黎本色答胡生書筆力 無可奈何。一障之乘耕鈞之事,特解嘲語本意在作史仍是欲以文章自見。 書稍吐露始斥賦詩策之不足憑準繼叉斥宏詞科之不足憑準雖以屈孟 尤狠狠於吏部一試公貞元八年第進士至是三試吏部不售詞意較前數 學之矣公然將賢公卿一筆抹倒此等冷嘲隱刺是昌黎長技答崔立之書。 之是好語否趣生往問正是阻其往問故末二句發明若非仕之謂則愈嘗 另有一種投合之氣味。上頭用賢字下頭用彼字試思彼其得之必有以取 信於今一語而今字尤重今之賢公卿大夫及今始進之賢士彼此相得必 於用扼字法也答尉遲生書與此同一機軸通篇注重在古之道不足以取 一馬揚雄之才猶不免於落第況屬己身弊在同入蒙昧之中與斗筲者競

交研究法

無一合文之外象是一篇悔過之書其實昌黎身分不曾分毫貶損仍是一 **今雖降心加禮亦必有不足之色,且所謂時,尙者即不肖之尤强與周旋斷 眞無可如何矣語似溫婉按之却至倔强試問前此有造廬未嘗與坐之人。** 自下待不肖者倘不敢嫚况在時尚自問可告無罪而猶不免於謗詈到此 為己過,如於中理雖以達與行人都 本已推得乾淨。然又原所以得過之故,剋己 而時用淺深陪墊之筆前半似引過而又不自承過復以人之不滿己即用 大家所有已論之要言中茲不更贅答馮宿書則憂讒畏譏之意多於嫚駡 備極伸縮力量最大奇巧百出且吞咽無窮血淚於胸臆中機杼都非唐宋 注

昌黎上留守鄭公啓袁子才曾襲以杖旗丁鄙見昌黎本有執法之心方杖 副牢騷肚皮諸如此類能細心體驗古人之用心自見。

留守之軍人繼始以書伸辨子才胸中本有一篇駢體之交故答旗丁用以

張籍兩書質以道統期退之故斥退之喜博塞及爲交雜之說且排佛老亦 文最直最正而進退作止尤步步有法。 唾涕守官去官。惟今日指揮。於始不屈宜其後此能以正論折王庭湊也此 大君子賣望之使之歸於正道至此神色又復毅然結穴言說去一官不啻 之非不必留守軍法之弛曲意為鄭公迴護及叙鄭公有追捕之舉則復以 味直率又近脅制因復爲和婉之詞並疏軍人之罪狀又言罪在軍人哮暖 必為叚秀質之戴頭而來其下受容受察不復進謝真抗爽好男子語惟一 語用筆伸縮至可尋逾辨是口說因口說而化或有其人因口說而疑頑且 不能著書若孟軻揚雄以垂世云云公第一書中不知者以僕爲好辨下數 倍口說之不入尚且如此而冥冥萬年欲賴此傳述之書其可信其必從

文研究法

發洩其才藻昌黎劈頭便言事大君子當以道已有千觔力量擋他責備不

確辨駁處無激烈之詞自信中含冲和之氣語顯然以道統自命骨重神寒 書亦且立就不必戚戚也論道之文本易流於陳腐看他磊落說來堅定精 成書易傳亦不遠果道可及身而行亦無所爲書身果不死不惟道可行而 必招人毀譽,並有殺身之禍,苟不有弟子之相守而傳亦萬無獨存之理,且 必死後留有遺恨,今所以不卽爲書者,梗於公卿相輔之信佛書即早出亦 **輩咸自作書欲待弟子之傳孟軻必不可冀云云此書頗難復而昌黎之第** 待五六十年而有所爲則或有遺恨此恐退之不及六十而死也又言揚雄 張籍第二書斥駮加厲大意謂因說之不入而止爲書聖人之道將無傳若 所未至有書亦不可恃其待至五六十年者讓詞也文質樸中却極流轉至 邪此明不能著書之意極爲明晰於是再抉透一層謂不著書不是愛力力 一書精神亦倍加於前書首引春秋之成書出自孔子身後而道仍傳則不 究 法

398014

而用心仍不懈於是火候至矣自識古書之正偽至然後浩乎其沛然矣又 又一段此則論取材論立志論用心論洗伐之功漸漸入微雖不見知於人。 也自始者。非三代兩漢之書不敢觀,罪人之志不敢存至戛戛乎其難哉。 得文中養氣妙處今味之良信自無望速成無誘勢利起至其言藹如也爲 昌黎論文書不多見生平全力所在盡在李翊一書呂居仁亦盛稱此書爲 不合丹經於是放手為之無復爐破丹飛之患矣吾又懼其雜也至終吾 段是大丹將成之候虹光四射而箇中逐一得微妙之訣法隱隱體驗無 段。是取法上擇術端到文字結胎後。生出意境已成正宗文派然而非易

歐曾不能及也

是立言到此地位自然力臻上流道之無止境猶文之無止境言終身是昌 身而已矣又一段是七十從心所欲不踰矩工夫行仁義游詩書不是大言。

文研究

黎不欺人之語氣水也言,浮物也至言之長短聲之高下皆宜句此一段是

信已文之成功不能成功後之必見知於人皆平日口頭語與論文無涉至 另起不是無迷途無絕源後工夫教人領氣要設無妙於是以下所言昌黎

與馮宿書亦非論文仍是牢騷小慚小好大慚大好說得酸甜自得非論文

歐得其神歸震川亦可謂能變化矣然安能如昌黎之飛行絕迹邪。 至易以段作矣。 論不惟造句宜斂即製局亦宜變贈送序是昌黎絕技歐王二家王得其骨。 愚嘗謂驗人文字之有意境與機軸當先讀其贈送序序不是論卻句句是

所責作者不蘄人之知是真能古文者語當日平淮西一碑果有人知亦不 知之即尋常不爲文者之眼光皆能窺到天隩而專心殫慮於古文者亦何 之極處莫得有是語也古來苦心爲文之人務極張皇幽渺果一出而人人

出之自在游行者段落分得清楚則人與物所據之界限自然不紊若不變 送孟東野序最岸異然可謂之格奇而調變不能謂爲有道理之文舉禹咎 昌黎集中銘誌最多而贈送序次之無篇不道及身世之感然匪有同者今 力支以上無數之陪客讀者無不奪氣結舌以爲得未曾有不知亦少有弊 停蓄然後振起存而在下者孟郊東野始以其詩鳴似有千觔力量用一語 直至於唐之有天下陳子昂蘇源明元結李白杜甫李觀皆以所能鳴作一 不能鳴亦假氣假物以鳴猶之人耳故由天復歸到人之本位自唐處句起。 間只人物分疏而已入手是說物。由物遂轉及人由人而寓感於物因思天 其調亦積疊如纍棋未有不至於顯墜者人但見以鳴字驅駕全篇不知中 陶伊尹周公孔子孟軻荀卿與蟲鳥同聲今人斷無此等文膽而昌黎公然 擇其鍼線之可尋者略爲詮解如左不敢自謂其眞能知昌黎者也。

昌黎狡獪將陳子昂諸人所鳴者妹去詩字代以能字是急救之法終竟好 子昂諸人。正以詩鳴者也此數人旣以詩名則說到東野不應用一始字雖 病猝讀之不能卽覺須知以上所鳴者或以道或以術或以文初未及詩陳 字見得死者皆能詩之徒而存而在下者能詩只有一東野始字對在下說 奇者不能有圓足之道理及思出能字固費心血不少然工夫則在用一存 亦可敷衍得去。昌黎以後。學者孔多均屬數見不鮮學古人當取契神髓不

送許郢州序為昌黎激射于頔之作行文最妙當許仲輿刺郢時于頔方節 山南東道野於山南爲屬邑顧斂民急昌黎欲質直諫之不能爲辭故借

民蘇息惠在刺史然說到刺史有惠偏日惠不可以獨厚是簪醒于頗勿爲 送許之行以微言感動于顧夫斂急而逼民爲盜咎在觀察使不急其賦使

惟襲其風貌如此等體仿傚至難置之不學可也。

不已則心思一被亦將體昌黎筆端旋繞曲折造於幽聄之地矣按齊峰爲 **皥下第序篇法字法筆法如神龍變化東雲出鱗西雲露爪不可方物讀之** 而皡亦適於是年下第序中定局頗難皥旣非貧賤見抑於朝官特有司引 元十一年登第此序當在貞元七年齊映爲江西觀察使時故云出藩於南。 宰相齊映弟映兄弟六人日昭日晚日晚日瞻日照日䴗登科記皞實於貞 下似前書亦可爲今日送行之引子。而昌黎乃用報書之言,用堅其說之必 急者、萬之之詞也序末述及前書之意得人而託云云許仲奧本在于頓屬 是刺史未到州安得有惠言惠者望之之詞也觀察好聚斂安得不急言不 行行文繁覆照應覺木屑竹頭皆爲切用之物行文精處眞令人莫測送齊 |莬與劉蕡諸人不同者爲不平語則措詞近於詔附宰相若爲慰藉語

歐魚意斂不可以獨急與惠不可以獨厚似對舉成文同爲譽詞其實非

定案。視舉黜之當否即是可不以親疏遠邇疑即是公其下可得詳而舉可 則又失昌黎平日憤時疾俗之口吻故劈頭拈一公字立案目下用一可字

古遠此間應私字正面與公字反對矣然如此說來又覺直致文中將舉仇 得明而去將兩可字點清見得非公不可此治之所以成古也道義即是去 私而自昌黎眼中觀之直是一團私心初無公理違心之行佛志之言內媳 子之公而不成反存不敢舉不敢去之心而成誤有司自問黜齊皞是公無 舉子。凌空提起作公字正面說話。即爲私字對面映發於是有司學舉仇舉

字說不透抹不倒底下足成二語言訢不行誣不起可見是同流合汙之良。 之名。種種流弊仍稱日良有司。直是俗之良有司。非古之良有司矣又患良

齊皡所以下第之故而忽作詠歎語推闡源頭謂諸人皆無過過在一私字。

非無擇親疏遠邇之良可謂極力爲煞文至此轉旋已無餘地在勢宜急入

所恨耶以下叙齊生語均是知命不惑語結穴三句應上復古意公無私意 生身上矣而又掉轉古字與起筆相關照謂終不能復古則生之下第又何 其下或有遊河北三字按新唐書藩鎭列傳序曰安史亂天下。至肅宗大難 東坡稱唐無文章惟昌黎娑李惡歸盤谷序而已實則文之妙處在愿之言 知命不惑意此文之常調初無奇異奇處在頓處有字外出力之能起處有 年固之陋俗萬無可救只有知命不惑用自排遣明明是臨別贈言落到齊 在昌黎集中,稍近鑑豪。然卻易入人眼宜東坡之稱賞不置也送董邵南序。 日四字。一團傲藐不平之槪均出李愿口遠罵得痛快淋漓與己一些無涉。 東所思之筆通篇關合照應無一處疏懈所以爲佳。 君臣皆幸安故瓜分河北地付授叛將一寇死一賊生訖唐亡百餘年 宛

惟其久私所以成俗斬釘截鐵下一斷語曰以已之不直而謂人皆然如此

卒不爲王土據此則董生之游河北非昌黎意矣然昌黎之於董生不惟有

從亂也勉乎哉三字是提醒意夫以子之不遇時句高高叫起慕義强仁之

旣如是今必加厲說到此詞鋒已露漸漸示以貶詞乃疾轉一筆言以生之 賊望其能移易故俗以就朝廷範圍外面似褒詞內中是危詞以今證古古 愛情是虛虛作陪疾入燕趙之廣收亡命是正意然不坐實燕趙人之善作

將謂仗他此行感化燕趙澆俗故憑空提出樂毅決其必無其人言念昔時。 行卜之間閒掩過復言勉乎哉是勉其決不可從賊也又患董生不明其意

其下筆稱一古字若今之不然可知疾入董生之不得志決能相合相合者 之褒美則贈序亦不能不加匡正若對董生當面罵賊則文章實無此體觀

序。而且有詩集中嗟哉董生行極言其孝慈感召至雞哺乳狗以翼來覆云 云愛童生至矣乃以不得志之故鬱鬱從賊在理原不宜有序然旣有前詩

道故獲安居而粒食此時仍引浮屠同爲人類見得前此禽獸二字不是駡 見逼人甚矣而項筆却推開浮屠但論禽獸言禽獸不知道故易罹害人知 聖人立教於是禽獸夷狄與人始分形而立說到浮屠執爲孰傳此圖窮匕 文中提筆言民之初生固若禽獸夷狄然是渾淪說話不辨儒佛言下分出 傳之道即是人無所傳之道即是夷狄禽獸命意如此行文實不如此觀他 人之道有傳而佛教亦未嘗無傳然昌黎偏不以傳字許他言外似謂有所 爲忤者此昌黎文字遏抑蔽掩之妙也文中著眼在一傳字傳者傳道也聖 送浮屠文暢師序直是當面指斥佛教為夷狄禽獸而文暢通文字却不以 不必勸止而勸止之意已明明指出又不十分唐突真詞林妙品也 有董生之孝慈轉背朝廷而從賊樓臺倒影於水光中反照使之觸目歷歷 則並荆高之徒皆少矣姑勸其往亦是虛語試思屠狗之賤且勸其歸朝豈

他顧所以異於禽獸者能親聖人也知其所自即是醒他溯源於聖人若不

送廖道士序。原可不作。而昌黎志關佛老必時時於此等題目著意此文製 言無乃迷惑溺沒於老佛之學而不出似於廖師身上仍留一線生機其下 吾未見六字即輕輕將椎勒住於表面無損分毫然又防他掃與即復兜住。 不能獨當句必謂已足以當之此千萬斤之鐵椎已近玻璃表面矣意必有。 中州起至千尋之名材不能獨當也止二百餘言作一氣下想廖道士讀到 疾下。置表於質上驟下其權權及表面玻璃而止分毫無損也文自五岳於 局甚險似泰西機器懸數千萬斤之互椎於樑間以鐵繩作轆轤可以疾上 知所自仍禽獸耳。斥他不知又將不知二字解脫不是其人之罪累擒累縱。 毫不肯放鬆然後明出正告之意仍不失儒者身分令人百讀不厭。

率性還他好處說豈所謂魁奇而迷溺又將巨椎收高放下弄得廖師笑啼

送幽州李端公序是勸戒藩鎭歸朝。意無甚奇特唯云國家失太平六十年 矣夫十日十二子相配數窮六十,其將復平。平必自幽州始按天寶十四年。 爲文乃狡獪如是令人莫測。 無涉此在事實上則謂之騙人而在文字中當謂之幻境。昌黎一生忠靜而 間作。幾謂得萬卽在言下。忽言廖師善知人。若不在其身必在其所與遊此 一擲眞有萬里之遠把以上聽至興會話頭盡化作蜃樓海市與廖師一毫

韓交研究

許之與詩書仁義之說又許之能遺外聲利讀者不能不疑其溫予寧知昌

區册生平無考或南海一不知名之士昌黎適貶陽山空谷足音不能不獎

達之語,匪不達矣。

范陽節度使安祿山反范陽幽州也其年歲在乙未至元和九年甲午數窮

六十一甲子終矣此序元和四年二月以後爲之故云審得如此用筆凡難

有限制此所以成爲大家之文。 身處烟瘴之區與鳥言夷面之人爲伍一見斯文自然稱許過當然仍節節 送高閑上人序。昌黎略有猵心非正論也然昌黎惡釋氏至並其技能亦在 若有志於其間也再日若能遺外聲利而不厭乎貧賤也若者未定之詞蓋 黎行文固有分寸。未嘗爲逾量之言但觀兩若字便見文中大有活著一日。 在加以貶抑開在宣宗時曾召入對御草聖遂賜紫衣開嘗以詈川白紵書

六句。均是俗情力與浮屠之法相反。一說浮屠之心。泊然無所起於世尤淡 應外慕浮屠之學其上廣引多人。終以張旭皆主心無兩用而言轉到高閑。 **真草為世楷法其人決非不能書。昌黎文主固內而遺外似注意於書即不** 無旭之心則亦不能有旭之藝名爲論藝其意仍主闢佛觀爲旭有道以下

然無所嗜爲書必不能工顧高閑本有書名一時亦不能抹煞許他無象之

川最爲得之。 送李正字序通是家常語而情文最縣麗由機軸妙也言李生父子與己之 此序事之前後際部署大有工夫。末段述其還郷以後追想前塵此祕歸震 **勸行。此事似爲二疏所無大類管夫人畫竹石。叢竹在前。一石獨歷落而遠。 說得興會決難出色文將二疏事并入巨源身上在空中摩邊以楊侯去時。** 離合而送李生歸湖南時已身適在東都與其父同官又是客中送答己大 與二疏去時兩兩比較似無甚高下却說到丞相愛惜不絕其祿又爲歌詩 送楊少尹巨源序入手引二疏用意特平平即七十辭官亦是恆事庸手雖 三昧者,其推重張旭亦非重旭。重旭正所以輕閑耳。 篇與廖道士序相較語稍欠婉轉然昌黎論書尚詆羲之爲俗似非知書中 然是勉强應付語其下還他善幻多技能則吾不能知非不知也不屑耳此 文研究法

及叙集處得燕一觴相屬則周君亦不得不在座故將周君與侍御同爲成 則李氏父子相與爲四人句輕輕將周君納入李氏父子中說話泯無痕迹。 瀾文中固有此法然引入甚易撒去甚難惟愈與河南司錄周君獨存其外 牽涉一個周君巢與本文無干者云追想汴州之亂迴思同難之人用爲波 以李生不能不從事於外以薪贍佐其父款客此是送李生之正意顧中間 粉繁中逐處還清並不費力入手言侍御好客已伏下後來祿不足養意所 難著筆無端又牽上局外之周君巢安頓去留更難措手而文偏能於頭緒 究

所以不能留侍之故入倩入理悲凉世局俯仰身世語語從性情中流出至

之位並無一些侵占正文收局單由侍御之聚館孤寒祿養不瞻因叙李生 生說到己身又從已身迴波顧上周君及侍御則周君侍御永永皆在陪客 德作一頓即由感歎侍御時隨手還清周君其下可以單序李生矣又從李

烏公文末祝詞恆患其爲藩鎮之禍此昌黎託石生以示諷也文至嚴重句 黎長技大抵昌黎之文遇平易之題。倡生出無數邱壑隨步換形引人入勝。 中間叙蠻夷盗賊百色妖露無語不奇無句不重古色斑斕滿紙映發是昌 送鄭尚書序至岸異句法無一處肯涉平易首叙四府之謁帥字長短不等 怨於盡取極意寫己之不悅然烏公見之則大悅矣此文字之狡獪動人處 得士與前作已稍別不至相犯說烏公攘奪其友不能無介於懷又言致私 斟字酌一字不肯茍下。送溫生序有石生爲媒介著手稍易但序鳥公之多 石洪溫造二序人同事同而行文製局乃大不同石洪本無可紀著眼全在 然背聲聲應節而情狀又歷歷如繪自隸府之州起至則不幸往往有事止 文中自居守河南尹以下數行。筆筆活著熟讀之可悟文字之波瀾。

女研究

又往往使人不測若遇此等題則極意講究句法字法及氣勢與顏色而已。

高髻亦斷不能空中幻出此狀意道士或有其人。仙傳拾遺補入彌明雖祖 不再蓄縮吐茹矣。 弈有生氣胡不以異端貶之特抑劉侯二子以崇軒轅此又何也。 服丹汞雖不可知吾觀此文似亦微中於道家之言服其靈丹其寫軒轅弈 述退之語亦必別有所據惟公然詆毀劉侯退之決不出此聞退之之死亦 語譏訕勿論文佳足傳但問劉侯見之何以爲情其寫道士白鬚黑面長頸 極頤詆如是者云詩均退之自作尤不應以劣句歸劉侯以簪句自承且語 臆斷之說按公集有與梓州盧郎中論薦侯喜狀而喜又爲公弟子不應窮 石鼎聯句詩序洪氏與祖謂爲退之自作軒轅寓退之姓彌明寓退之名殊

祭文體本以用韻者爲正格若不駕馭以散文之法終覺直致昌黎祭河南

祭柳子厚文文简而哀擊文未叙及托孤肝膈呈露真能不覓死友者讀之 京兆府司錄參軍也其云解手背面遂十一年者言署守虔州見恶於觀察 年六月公召爲國子博士署仍掾江陵文中言相見京師者元和二年署爲 寫簡處用縮筆讀之不已可悟韻語長篇之法。 黎長技然綜叙張署生平及與已交際伸縮繁簡讀之井井然繁處極意抒 拜河南令叉不見悅於尹所云屢以正冤身伸事蹇者也用字造句固是昌 庭漫汗。黏天無壁。語尤雄發。偕掾江陵是量移內地又將洞庭一提元和元 甚之之詞也陽山臨武路過湖南其寫過江風物與旅宿逢虎狀極逼眞洞 法入手叙同官以直見證陽山臨武皆二公貶所以尹鼯猱句尹字是字法。 江陵。同官復同患難故言之歷歷情致自生按之前後際仍寓提絜結束之

張員外文曲折詳盡造語尤奇麗員外名署與公同爲御史順宗朝又俱徙

女研究法

法

昌黎祭嫂氏鄭夫人文哀惋極矣且述元兄命爲嫂服期期者古之母服也

哭文作於貞元十九年公又在不得意中十二月貶陽山之命下以家難之 痛徹心不能爲辭則變調爲散體飽述其哀只用家常語節節追維皆足痛 朝制而加厚焉文不假雕飾而備極沈痛然尙能爲韻語至祭十二郎文至 唐制長年之嫂遇提孩之叔敬勞鞠養情若所生其死也服小功昌黎蓋因

哀不如昌黎在不得意中述哀尤爲懇摯且二公通塞不同故語亦稍別。

皆應節奏瀧岡阡表於二百七十年後固宜與之作配然歐公自得意後述 雜說來俱成文理吾亦不能繩以文字之法分爲段落但旣一片哀音聽之 文中所謂吾兄之盛德而天其嗣兄指韓會也以下或叙事或叙悲錯錯雜 劇猝生於不得意之時雖以昌黎聖手亦萬不能處處作韵語故直起直落。

作銘文中叙事用筆甚奇虛東美在大歷初李栖筠辟為從事此唐初恆有 必得天下之才語意是褒大夫却藏下盧君隱德足以動人處常守二字根 取人是信大夫之不妄取。一旦竟取天下之所不知者此爲非常舉動決其 知君者謂君之從人也非其常守必得其從讀之可悟叙事之法奇大夫之 之事文日旣起從大夫天下未知君者惟奇大夫之取人也不常必得人其 考功員外耶盧君墓銘乃有序而無銘或易銘爲表表固不銘者也考異仍 處且足以增人見地。 未敢一語襲昌黎者是永叔長處今特取數篇略為講解俾稍知古人用心 摹仿之不惟晉吐不類亦不能遽蹴而止故永叔銘詞寧以溫純之詞行之。 昌黎集中墓銘最多銘詞之古蹇後人學之輒躓蓋無其骨力華色追逐而 上頭未出仕來旣未出仕。忽從李公是必鑒別李公爲人之可從必得其從 文 研究法

盧君所從則李公之明於知人可不須稱頌而見兩面對逼互影而成文盛 稱李公而盧君之德愈彰盛稱盧君而李公之識愈高兩三行中,具無盡機

事必有小收束學史記也序文體近列傳本人事實過繁乞文者不願遺落。 唐故江西觀察使韋公墓誌銘政績多可紀則序言不能不詳此文每錄一

則一一須還他好處若無駕馭斬截之法便近散漫平蕪文自叙姓氏起至

以甥孫從太師魯公眞卿學太師愛之作一頓自舉明經第至徵拜太子舍 人益有名作一頓自遷起居耶至逐號爲才臣作一頓自劉闢反至上以爲

忠作一頓自一歲拜洪州刺史至其大如是其細可略也作一頓卒有違令。 當死者至公能益明作一頓情事雖繁雜無甚偉節然每段拉以煞句則眉

亂勳績便失體裁願承班特一裨將無大功可紀故入手仍寫重乱起家建 烏氏廟碑為重礼父承班作也重乱固有大功於唐然願爲父廟若全叙重 水匠之賬簿矣故古於文者往往因難見巧轉俗爲雅 民因而免賦重屋樓也觀乘高二字即知重屋之爲樓若入庸手便成一泥 是但取成五之我官無所利業定受償是不預與五值從令是背爲五屋之 其高以上所叙皆瑣瑣屑屑者然無句不古材瓦瓦之已成者也度費爲估。 與漿親往勸之為瓦屋萬三千七百為重屋四千七百民無火憂暑聲則乘 而受其償從令者免其賦之半逃未復者官與爲之貧不能者界之財戰食 召陶工教人陶聚材瓦於場度其費以爲估不取贏利凡取材瓦於官業定 目井然中間叙江西無瓦屋教民陶瓦事其文曰始教民爲瓦屋取材於山。 襄陽郡王路公神道碑似北魏人手筆。

究法

節受封之大處然後上溯發祥之祖漸漸落到承班取可罕干拒室韋明他

其丽伯禽之烈故得聲此詩於廟以假魯靈據事引經與詔書合旨文極典 此是朝廷旌功推源及於先代意而昌黎即引驅駁泮閥之詩爲魯僖能遵 父子均以驍勇能戰首尾相應文極嚴潔。 重入手述詔書惟弘正先祖父厥心靡不嚮帝室訖不得施乃以敎付厥子。 **尤難著手。民尚有承玼戰功可紀田氏無之叉奉勅而作。與平淮西碑同** 田弘正先廟碑銘與烏氏同不能專叙弘正之功當歸功於其先代視烏氏

膺之人。借不能揭表弘正之忠用以屬譽不臣之藩服故於銘詞中略爲指

重矞皇使讀者肅然蓋有唐藩鎭之跋扈惟田弘正首奮忠節爲昌黎至服

劉統軍碑其體如誌古誄序短盡括其事實為有韻之文正格也碑文可不 斥而詞亦純正典重不參奇特之筆選字旣純色尤古澤

似不及此文。 散文體格施韻語不事粧點振筆直書惟昌黎酱有勁氣故能如此庸手實 走奇走怪獨中間用刻字嘅奴報字。毀故與 曹成王。早有功於德宗之朝是一篇重要文字觀他行文至嚴整有法未 出破音節至佳此即昌黎以散文體施入韻語也墓銘叙事較新唐書爲簡 不易學。往讀蔣苕生臨川夢傳奇以湯臨川奏星變疏草,折入曲文中入破 碑。皆可誦余但錄其一碑見文章流別中此文銘詞極長異於他作然實以 手筆亦不能工故變調作爲韻語與墓銘初不相犯奏中耶凡三爲陳仲弓 在此例惟劉昌裔之死公旣爲墓銘今又有碑若將生平事重複更叙雖大 掇字。好與每姓取 也 簽字。 英即 撒字。英英双抵 公孫 以孕 出左 于傳 類 字字 音 祭 本 本 w + 撒字。 皮也 主教 叉作 夾如 皮乾 意革 或也 班出法 跳字斑 也同 一 作 撃 切 持 **鞍 摔 錢 字 蹬**

法

필

此段 亦贯

平淮西碑模範全出尚書惟其具絕偉之氣力又澤以極古之文詞且身在 轉見喫力爲全篇之累讀者不可不知。 不用此等字但言收黃梅廣濟等州。豈無字可代必作如此用法不惟不奇。 枝級節報 踏字。他脸如既也特字。姊姬白披若 學揚子雲微覺則目實則 兵間聞見精確開頭一語非思之累時亦不能有也方鎮之禍本胎自朝廷 文亦不能不見稜角或過涉平易將爲東野所笑邪。 昌黎銘貞曜墓序旣拗折銘亦岸異韓孟平時聯句均鏤肝鉢腎故銘幽之

文研

臨天下即斬李惠琳誅劉闢執李錡平張茂昭致田弘正爲平蔡以前之聲 以勤以容者容字爲養寇之微詞長亂之積弊睿聖文武皇帝憲宗也一君 **遂時時抗撓朝命逐帥自立留後至於不可爬梳歷叙肅代順德四世所謂** 無可避諱物衆地大孽牙其間此指安史之亂發自天寶以下據有兵柄者。

折盡致李師道遣客刺裴度武元衡事乃於文中補叙極爲得法蓋前半方 也日丞相度至師於是平蔡辛已丞相度入察文法髣髴左氏論功行賞先 第二命非命相之辭相之爲言助也蓋度於元和十年已同平章事矣第三 此一語則以下命將出師始在在有把握皇帝凡三命度第一命但令宣慰 議之狙恡君相之詢謀文仍醞釀不肯徑遂著筆所謂一二臣者裴度也有 不可究武文勢小爲收束以上之精神亦爲一聚以下乃叙蔡亂之綠起朝 勢。此時若直接入吳元濟。使氣促局狹寡舒徐之致中間插入皇帝之言曰。 為謨誥文字者插叙刺客轉發不莊但於韻語中渲染瞥然而過較近自然 及諮將後乃大書日丞相度朝京師風度端凝雖歐公不能逮也碑文亦曲 命乃統六師視諸將爲殊特文極鄭重至叙載功處言比有功者大功未成 文視元和聖德叙族誅劉闢事稍平易無火色蓋唐文中有數之作然羅隱

韓女研究法

四五

石烈士篇以深許其怒推韓碑爲是良不可解段文昌文尤庸絮凡下如

南海廟碑古麗處不惟李華不能及卽子厚亦當却步文不過崇祀龍神前 舍彼取此不知當時廷識是何居心而羅隱於晚唐中頗英糾有筆才何以 但日伸宗廟之宿憤致黎庶之父安直是空行仍不如昌黎紀功之切實竟 語否叉日道德不服則兵以威之文告不論則兵以靖之即紀李愬之功亦 文鋋雪照風駿雲屯雙矛電激孤劍巍馳句調自相複沓試問昌黎肯作此 亦不辯白乃反褒美石孝忠嗚呼等是文人其去義山遠矣。

疾神不顧享人蒙其害激起孔公將事之敬其下寫孔公渡海入廟致祭光 鄭重王儀及帝之祝册題目似不小矣且不說孔公先言海常大風刺史託 有神力遂成巨製故東坡稱爲游戲斯文談笑奇偉眞非虛語文高揚祀典 刺史惲於渡海孔公獨致敬盡禮而已此等題目不值如許張皇然昌黎具

則區 長短皆宜自民業有經起出相弟長入相慈孝純用四言積疊而下文氣未 近柳州如天幸恶仁侯若不化服我則非人此三語純乎柳州矣柳州勍峭。 此碑忽言幽冥靈迹不能不棘時眼實則就文論文佳處自在此文幽峭頗 屢言神怪不為世尤者左氏未嘗以道統自居,昌黎平日深貶佛老之事而 碑頗爲有識者詬病然新史但書其事於子厚傳。一無褒貶之詞鄙見盲左 按舊史公傳云南人妄以柳宗元爲羅池神而愈撰碑以實之於是羅池廟 數之作無可稱者然文中選言琢句眞耐人尋味。 平無奇然一經潤色都不覺其可厭處此亦立碑示後應有之體例詩特備 色皆古幾於淩紙怪發直逼漢京行文至此豪暢已極然不稍述孔公宦蹟。 每於短句見長技用字爲人人意中所有用意乃爲人人筆下所無昌黎則 區此舉直是演劇登場下臺都無餘味看他將孔公事極力搬演雖平

文研 先 进

司徒兼侍中中書令贈太尉許國公神道碑銘此爲韓弘作也敍事之典重 乖文體辭亦全募子厚子厚集中騷體直追宋玉昌黎此辭似亦不弱。 **敍而過似是似非不爲臆斷若在俗手必補出神之靈迹矣顧少爲張皇即** 此或適然之事文與神牽涉處在即死二字似子厚眞能降罰儀身然只閒 使讀者不敢斥為齊諧正以行文莊重也李儀醉酒慢侮堂上而得疾以死。 神閒閒出自遗囑不爲驚駭之詞。疎來用一降字示夢用一館字古雅已極。 嘗嚂促此亦昌黎平日所長但觀南海廟碑自見及敍到柳侯將死死而爲

中背目之再日。士卒區心三日,汴軍連亂不定其中全寫汴事却一目都注 夫人之兄日司徒玄佐一語以下敍弘少依舅氏事業始由是以建一日軍 莊麗眞所謂獨含日光靜與天語者也入手敍家世常格也著眼在齊國太

韓弘故有今見在人莫如韓甥一語至此弘之位置始定其下又言悉有其

最其父子勳勞作一總結起訖皆有精神銘詞在在尤寓用字之法如汴兵 無人能及矣至於朝京納責册拜就藩生死哀榮皆碑中應有之例文末復 敘公武之功但言會討·蔡姦云云是昌黎諛墓之曲筆然上半段之聲光已 日不怕而此文則言使子公武以兵萬三千人稍與新史不合其下亦不顯 屯遣子公武領兵三千屬光顏陰爲逗撓計以危國邀功每諸將告捷輒累 說成而行以昌黎之文等自宜有此莊嚴語至吳元濟一役按新史弘不親 吾即東以兵取曹語簡而威棱見氣壯而虜膽氓不審韓弘當日曾否如此。 邪有相待無爲空言其謂李師道曰我不知利害知奉詔行耳若兵北過河。 掠皆未嘗大出兵事於辭語中見節概其語李師古曰汝能越吾界而爲盜 字提起汴中全局入手敗吳少誠,新判卒靳李師古之假道。斥李師道之北 **舅司徒之兵與地作一大結束。是了却劉玄佐。專敍弘之勳業矣。當此時三**

四九

王狗狗在犬也衆乃一偈偈息也桑穀奮張奮字是暴長意為帝督姦督字

殿中少監馬君墓誌空衍無可著筆而昌黎文字乃燦爛作珠光照人眞令 是監察意雄唱雌和是拼字法喊呻睨眴是代字法此在讀時玩索自有神 王舊屬韓弇之弟爲絕代能文之韓退之此其所以傳也自此體一創後之 態凡長於富貴家襁褓中。誰則無之然難在爲北平莊武王之孫又難在遇 人莫測繼祖紈袴兒耳所長處眉眼如畫髮黑漆肌肉玉雪可念耳此等狀 文家爭摹仿而成金石之例雖拾細碎均可成篇而皆不及退之者凡此等

體皆可偶而不可常旣無事實寧不作可也。

南陽樊紹述墓誌銘歐公云退之與樊紹並作銘便似樊文令讀之果然退

之才大無所不包遇貞曜則力與貞曜角詩令銘紹述若不爲紹述體便自

難者識職職字是用字能得其出處能使其安宅用此字便稱此字之職非 而昌黎偏說他文從字順各識職此句大有工夫文從字順似人人能之所 神徂聖伏道絕塞是總束上文文字不能已出之故乃使道統絕塞忽頂起 弊爲成例從漢迄今用一律言無指迷之人寥寥久哉莫覺屬承上句而言。 出是定案降而不能乃剽賊是揭舉文弊之源頭後皆指前公相襲是以積 競力之時。固宜有此獨竪一職者。銘詞鷙悍拗折氣力尤偉。惟古於詞必已 體之奇有唐實自昌黎開之紹述則奇而近澀文中謂其不襲蹈前人一言 元和諸體皆備不相沿襲余謂歐公跋絳守居園池記固已言之矣大抵文 見拙別昌黎之奇奇而能正不似紹述轉轉自入拗晦陳石造嘗言文字至 句既極乃通發紹述見得紹述之文關於聖道不鮮人見他是奇澀一路。 句而歐公徑謂其學盤庚之書歐公溫醇自然不喜紹述然在元和攀賢

皆遺水銀厥病與歸工部正同故白香山思舊詩有退之服流礦一病竟不 不刑為集中備數文字亦未可定然而昌黎之死亦以丹沙聞易寶時席上 世談。吾乃不知李氏家人,何重於此文乃瘞幽以詆其先人之醜或且作而 簡東川節度御史大夫盧坦。金吾將軍李道古皆以藥死。合李君之死用爲 中御史李虚中刑部尚書李遙遜弟刑部侍郎建蹇陽節度使工部尚書孟 述博士服丹沙死其下乃大簽議論極詆服食之弊歷引工部尚書歸登殿 昌黎集中。銘墓之文多於他文其最奇者無如故太常博士李君墓誌銘中 故能道出職字觀結句有欲求之此其圖是敎人識字不是敎人仿樊紹述 深小學識古文者何能至此說文從字順不是昌黎欺人昌黎用字有來歷

起云云則此文之作適以自箴耶或作後而仍不改邪則不可知矣。

但一問一答送窮文則再問再答文氣似厚而所以描寫窮之眞相亦較揚 昌黎送窮文送高辛氏窮子也蓋源本於揚子雲逐貧賦逐貧賦揚子與貧 爲管鹿毛爲柱羊毛爲被不言冤毫究竟公讀古書多必有所本就文論文。 論追述毛頴身世若有餘假則與肖史公矣。崔豹古今注蒙恬造筆以柘木 **結此爲傳中應有之人冠兎髮禿敍頴末路應如此惟盡心二字妙極傳後** 疏其能並其母秩與執燭者常侍應以上親龍句絳之陳弘農之陶會稽之 上傳発特述顏之家世耳得管城封而親龍用事下至累拜中書公止均細 爲毛頴伏案及敍到圍毛氏族拔毫載頴聚族束縛此方爲傳之正文則以 然終是昌黎眞面不曾片語依傍史記前半直是一篇冤傳至獨取其髦始 毛顯傳爲干古奇文。舊史譏之而柳子厚則傾服至於不可思議文近史記。

資無賽玩何以接歡宗室之燕爲樂不槃語氣凡近似小家子而昌黎則定 文爲刻深眞神技也揚之恨貧曰人皆文織余碣不完人皆稻粱我獨藝強

辭句機軸少爲變易而已。 不摹仿則已一踐前人故步雖具倚天拔地之才終不能擺脫範圍但能於 其罪狀日五窮言衣食燕樂處寡殺憤時嫉俗處多故晁無咎取公此文續 與我遊息則安貧之言也。昌黎之燒車與船廷之上座亦本此意總之文字。 楚詞中似較揚子所言爲高亢然揚賦結言長與汝居終無厭極資遂不去。

嚮與及門高生論鱷魚文最有工夫。在能用兩況字況潮嶺海之間去京師 萬里哉是爲鱷魚出脫歸罪後王之棄地故不敢責鱷魚之涵淹卵育況禹

跡所揜揚州之近地以牛女分野潮陽亦屬揚州,且天子有命刺史有責其

勢萬不足以容鱷魚兩況字。一縱一收却用得十分有力篇中凡五提天子

陸牛水在斐州恆居葦蕩之間斷無能驅入海之理後此陳文惠通判潮州。 魚一無知嗜殺之介蟲豈知文章又豈知有天子之命且鱷非海中之物中 汝僧尼道士女冠。與歐聯與憲宗初年不許度人爲僧尼道士及創立寺 為流俗說話力關福禍之不關於佛氏精透極矣及歸到本朝引高祖之議 自漢末迨梁無永年之天子梁武高壽卒被橫禍則佛之効驗可知一片皆 古無數高年之天子為憲宗指述言耄耋之期初非關於佛力。迨佛法旣盛 昌黎論佛骨一表為天下之至文。直臣之正氣入手以憲宗畏死之故引上 如故天下以文章喻庶物難哉。 達恶白鷲晚噪其庭樹且日遺矢汙入因陳檄樹間驅之令去而晚噪遺矢 鳴鼓黎鱷於市且爲文告之歐公至引之于神道碑中尤堪捧腹吾稱某先 之命頗極鄭重然在當時讀之自見其忠自後人觀之不免有獃氣試問鱷

觀事上接祖訓下徵詔書以矛攻盾幾偪到憲宗無可置對此處却用婉轉 加迴護謂樂明若此斷不肯信然天子動靜關於百姓瞻視在皇帝不過徇 下始激起迎佛骨之非是然專制之朝不能直捷指出朝廷弊病於是復大 之筆言今經未能卽行豈可恣之轉令盛也文氣一舒亦稍爲憲宗迴護此

人之心而百姓則愚冥易惑斥佛骨却搬去佛骨專為政體上追尋利害語

語切擊篇末斥佛爲夷狄生時不過禮以蕃屬死後尤宜避其凶穢罵得不

代尤促入字而憲宗大怒幾欲抵死不有崔羣裴度及戚里諸貴昌黎危矣 值一錢然後以爲崇之事極力自任尤爲得體通篇礙目處只事佛漸謹年

及潮州表上。帝意少迴猶日。韓愈大是愛我我豈不知然愈爲人臣不當言

上主事份乃年促也嗚呼憲宗聰明尚護前如此則宜乎腦主之不易事也

柳文研究法

見與書中。夢得蓋深知柳州者也若唐史文藝列傳序謂韓愈倡之柳宗元 劉夢得敍柳州文謂雄深雅健似司馬子長此特舉其大要耳其親切處累

因歎人生嗜好之殊如元微之之右杜而左李而皇溪亦正云柳州適可肩 有酿武之詞不佞於友人馬通伯處見望溪手定柳州讀本往往有紅勒者。 憑蔆鹴韟首倡古文於是柳子厚李元賓李翺皇甫湜又從而和之似柳州 亦謂韓吏部超卓羣流獨高邃古以二帝三王爲根本以六經四教爲宗師 李翶皇甫湜和之排逐百家法度森嚴抵轢晉魏上軋漢周云云唐文粹序。 隨退之者也然少陵生前推服滴仙不造餘力即昌黎之於柳州祭文廟碑 者為昌黎配經之人。雖尊與韓並初未有發明其文章之妙者至方望溪頗 文罚

Š

墓誌咸無貶詞當時昌黎目中亦僅有一柳州翱湜輩均以弟子目之未曾

以生雅然以清余之衡誠懸於心其揣也如是嗚呼劉賓客果道得柳州眞 支跨鑠古今鼓行乘空附離不以鑿枘咀嚼不有文字端而曼苦而腴佶然 處之事物而能振拔於文增獨有千古謂得非人傑哉。 屈居柳州於翶湜之列且柳州死於貶所年僅四十七凡諸所見均蠻荒僻 **遠心而他逸也凡造語嚴重往往神木而色朽端而能曼則風采流露矣柳** 處矣夫所謂端而曼苦而腴倍然以生癯然以清此四語雖柳州自道不能 夢得之報柳州書日。余吟而繹之顧其詞甚約而味淵然以長氣爲幹文爲

州畢命貶所寄託之文往往多苦說而言外仍不掩其風流才高而擇言精。

而有生氣柳州本色也痙然以清則山水諸記窮桂海之殊相直前無古人。 味之轉於鬱伊之中別饒雅趣此殆夢得之所謂腴也佶者壯健之貌壯健

柳州出一頭地矣。 後無來者。昌黎偶記山水亦不能與之追逐古人避短推長。昌黎於此固讓 治文者不可不講發源於屈宋取範於柳州斯得矣。 皆在嚴忌王褒以上真知言哉既學自詞苑庭敗。遂寡問津然有韻之文亦 幾不知身在何境也石林詩話謂柳州諸賦更不蹈襲屈朱一句似與昌黎 柳州之學騷當與宋玉抗席內思苦語悠悠然若傍瘴花密客而飛每讀之 梭棱然使人生慄亦斷不類於樊紹述之奇詭也。 佞恆謂柳州精於小學熟於文選用字稍新特未嘗近纖選材至恢富未嘗 朱嚴有翼督序柳文苦其難讀考證音釋名曰柳文切正此書惜不曾見不 近溫麗而能古博而能精至吞言咽理變化離合固遜昌黎然而生峭壁立。

詩大雅江漢篇尹吉甫美宣王能與衰撥亂命召公平淮夷也次篇爲常武。

論。退之所無淮夷雅韓文亦不逮鄙見非不逮也昌黎興高描寫元和戰功。 下又曰。匪疚匪棘王國來極竟言不以兵病害之不以兵操切之堂堂乎見 淮夷來鋪求者求淮夷所據之境地鋪者欲微病以譬之命意不過如此以 地示不欲究武之意得經意矣江清之詩曰匪安匪遊淮夷來求匪安匪舒。 濃塗鐵乖乎正聲柳州之作力摹大雅於顯敍戰功處往往爲朝廷留其餘 欲窮形盡相遂不免近於慘酷昌黎本意原欲以寒竊據之膽不知火色過 夷雅亦二篇。一美丞相度。一美西平之子愬談薮云論柳文者皆以謂封建 則召穆公美宣王有常德以立武事也不惟美之又引之以爲戒子厚平淮

此始名爲大雅柳州之雅正本此意第一章狡衆昬囂其毒於酲數裝人之 文德以和治此天下四方之國名爲南征實不過旬宣之意說得雍容和藹 王師之仁,其卒章曰。失其文德。治此四國、矢之爲言施也。亦其經緯天地之

罪也第二章即日師是蔡人以宥以釐宥之釐之則不忍艸薙而禽獮可知 方見得是王者之師中間寫李愬之功曰。蔡兕伊窘悉起來聚左擣其虛靡 爲得體領領勇悍之貌忽恃勇悍正忠其浪殺人也宅居也居義以對蔡人。 師盛朝應有之儀節至公日徐之無恃領領式和爾容惟義之宅則立言尤 矣其下寫天子御通化門餞相度則與江漢圭瓚秬鬯同一隆禮此命將出 聿禽其良日是處是拔大殲厥家禽良者十二年二月愬禽元濟提生處候 方城之什則專紀愬功不能不點染殺戮之事其最嚴厲之語目右翦左屠。 局惟具此聰明方能摹古。 殺戮。但日曾是謔謔化爲謳吟。閒閒將一場大戰以從容不迫之筆總括全 守守察督贏卒恕用其言遂擒元濟靡愆厥虚謂所謀中也擒濟以後不書 **愆厥虚擣虛者。擠蔡城也憩用李酤之言謂蔡之精兵皆在洄曲及四境拒** 女研 缩 法

左臂官軍不敢近有陳光治為之謀主屠翦正指此二人惟得丁士良此二

舒少時讀封禪文洪範五行傳·劇秦美新王命論。典引書其淵博難解則 厚雅適是學大雅兩臻極地唯昌黎之元和聖德詩較此爲遜耳。 肓讀以領其音節。迨長頗能分其段落省其用意又怪其多碩揚語。且注意

瑞應之事文奇而意未嘗奇也家貧不能購書三十以後始得濟美堂柳集。

粥何如平淮夷雅仰父俯子此特於字句推求其實昌黎碑適是學尚書子 威敍伐殊竟有周宣氣象劉夢得嘉話拾遺言柳八駁平淮西碑云左餐右 蔡初胡賴爾居與阿那姓式慕以康為愿有餘是究是咨皇德既舒恩勝於 云乃證乃止蔡有厚喜完其室家仰父俯子又云蔡人歌矣蔡風和矣孰類 人始獲耳震拔是大兵臨城之勢大殲厥家但指元濟一家而言故下章即

德字。立通篇之幹謂爲德始爲貞符,凡大電大虹巨跡白狼魚躍烏流虺蛇 **厥初罔匪極亂而後稍可爲也句總束上文由開闢而訖於中古然後拈一** 始行進呈耳入手推源人種肇生之時營巢衣革敦餞渴分牝牡於是遂解 旨矣入手卽斥五家之文爲淫巫瞽史不足揚顯功德已醒出通篇主意於 讀之經歲謂貞符一篇實能超出馬劉揚班之樊舍天事而言人事得立言 爛引起唐受天命之有據自大聖乃起句以下全述唐之元德至人之戴唐。 裂厥符不貞將一切駁翻不復置議至此作一大頓留下隋之大亂游湧灼 天光貶周黜漢的妖幻以欺人不足據爲受命之證自漢魏兩晉尤尨亂鉤 仇殺侵掠之事自得有力者治之。然後社會成主者更得聖人。然後國家立 本文之前作一小引不是本文之序蓋文已宿搆至永州後因吳武陵一言。 永無窮其中初不言符瑞但言孝仁平寬此即爲天子之貞符其下點清

交研究

數語爲全文關鍵則曰受命不於天於其人依符不於祥於其仁惟人之仁。

莽。 默吐 蝴 颂 姆 新 狂 麥 聽 於 翰 始 語 極 昭 析 末 用 極 於 邦 治 敬 於 人 事 作 結 。 龍 衰 。 麟 四 松 叶 肋 华 鄉 欣 歃 鲁 以 麟 弱 唿 松 十 白 雉 亡 漢 。 城 严 晞 元 黄 犀 死 此數語精理如鑄果能關馬劉揚班之失矣於是復言恃祥之害妙在鄭以 **匪祥於天。匪辭於天茲惟貞符哉。未有喪仁而久者也。未有恃祥而壽者也。** 堂皇極矣宋景文筆錄柳子厚貞符譜說能模寫前人體式然自有新意可

謂文矣言新意者即歸本於德以不符瑞爲報應自是此文之本旨詩平易

屈原之爲騷及九章蓋傷南夷之不吾知於朝廷爲不知人於己爲無罪理

直氣壯傳以奇筆壯采遂爲天地間不可漫滅之至文重言之不見其沓昌

言之莫病其狂後來學者文旣不逮遇復不同雖仿楚聲讀之不可動人惟

財此賦當作於貞元二十年以後、惡侃直而尚醇和實有激而作。中間剛 **狺自訟之語。此最難著筆讀集中佩韋賦欲自進於中庸之門戶階室。** 賦。辜楚聲親騷體爲唐文巨擘顧得罪而出但宜閉門思過之言不能 賈長沙身世庶幾近之故悲亢之聲引之彌長亦正爲忠氣所激耳柳州諸

理之文卻能以聲容動重亦云難矣。 柔之失則子家宋義李斯徐偃桑弘也引用紛雜然音節甚高賦色甚古說 四人,指爲寬猛相濟即是中庸正軌。斥剛之失則項羽朱雲陳咸洩冶也斥

柔分段首推尼父能剛能柔其下配以藺相如游吉曹翽不倫不類蓋舉是

賦名亦未可定。 以解崇等目標題亦無不可或且泥於九章九辯故例不能足成九篇故以 解崇懲咎閔生夢歸囚山五賦題目甚似涉江懷沙諸作當日若去賦字但

柳文研究法

無由生前半極言流金鍱玉之害及筮玄之後濯熱以冷風滌瑕以淸源崇 解崇賦蓋取太玄赤舌燒城吐水於瓶之義謂以水滅火雖有傾城之言災

余學而觀古兮一句以下歸本於道謹守率由奉訏謨徵策書自謂炯然不 卑汚閔世前志爲尤已說出失身叔文之談然而初志斷不甘此故項起始 賦日宗元不得召內假悼悔念往咎作賦自儆蓋爲永州司馬時作也入手

讀懲咎一賦不期嗟歎若柳州者眞不失爲改過之君子哉唐書本傳載此

遂不敢爲利。意極平行。然造句之奇麗選聲之悲亢。直逼朱玉矣。

鼎錢幸皇鑒明宥倘得南遷於是夜寤晝駭懼罪無己為貶永州後作一大 亦無可辯因有哀吾黨之不淑兮一語黨字即聯己而言也進退無歸幾瀕 惑遇者果於自用則切責叔文之不處不戒均二人不淑所致顧身已入黨。 結束。凌洞庭之洋洋兮浜湘流之沄沄、飄風擊以揚波兮舟摧抑而迴還日

中。 嵙 暶 際窮冬而止居兮羈纍棼以繁纏哀吾生之孔艱兮循凱風之悲詩罪 以紆委号東洵涌之奔湍畔尺進而尋退兮過涸汨乎淪邁、林野歌田翰問 鳥萃而 **程璋間堙厄感醬。一寓於文為離騷數十篇懲咎者悔志也其言日茍余齒** 哀音聞者酸鼻最後結以一語曰寄余齒之有懲号蹈前烈而不頗此萬死 者則自信其能懲咎也以下滅身無後進路劃絕伏匿不果拘變轗軻一片 而 江亦同此戚然屈原不以罪行而柳州實陷身奸黨故屈原抵死不甘認過。 通天而降酷兮不極死而生爲自凌洞庭句起楚鄕風物。一一如畫屈原涉 柳州則自承有通天之罪等是遷客正直與回曲自殊而所以仍 以味幽兮黝雲涌而上屯暮曆率以淫雨兮。釋冊鄉聽嗷嗷之哀猨衆 一、歌号。沸洲渚以連山漂遙逐其詎止号。逝莫屬余之形魂攢稱奔 文 生命之言故晁太史取此賦於續楚詞。且爲之序曰宗元竄斥崎嶇 豜 究 吐正

作。在元和五六年之間貶永州時也入手以生逢險阨之故喪志逢尤則自 閔生一賦處吾生之莫保也歸言孟軻四十乃始持心當是公四十以前 尚存。仍能自拔歸於君子之林此柳州之所以成豪傑也。 辯處故言厲吻之鴟嘯萃至也因是沈抑不舒但有自愍語雖尤人仍是引 已任他駑駘之騁黿黽之集均無可奈何此是得罪以後聽人指摘無可自 承已過矣因之膏竭魄雕沈痛尤極言旣不信冤何從白只有幽默待盡而 之有懲兮蹈前烈而不頗後之君子。欲成人之美者。必讀而悲之正以一息 過至此作一小頓湘水出零陵北入江零陵永州也故望見九嶷思及重華

之比故接上列往則以考己兮指斗極以自陳自陳者以心迹質九間也心 既無他竟爲遷客登高嵒瞻故邦咸有戀闕之意忽念到窮老淪放亦惟有 之死。屈子之沈古人之無過者尙如此別乃我耶雖然自原初心萬非從逆

子四十不動心自問未到二子之年終寡閱歷故至觸禍阽身斗然叫起知 所吹起也此說夢魂若御風而游。滉瀁者深廣貌魂入夢境覺深廣不知所 是初入夢時肢體舒散氣息安和若身與枕席相親沈沈無事数字說文有 故以蓋愆一語終焉則生雖可閔而氣尙壯烈也 眇軀之敢愛兮竊有計乎古先蓋百無所恃可恃者德耳德何在在能蓋愈 近人。一身孤危則生之可閔極矣故曰。虚吾生之莫保兮。忝代德之元醇、孰 空魄力壯健華亦特舉以下考衡湘故迹即是寫貶所風物雄虺短狐日來 徙善而革非兮又何懼乎今之人此一語生氣滿紙似把以上過失一洗而 死隣魑魅已耳文勢到此。已無轉旋之地然寸心未死也,伸尼四十不惑。孟 界說到質舒解以自恣兮。息愔翳而愈微歘腾踴而上浮兮俄滉潑之無依。 夢歸一賦文乃奇絕自起二語後即入夢鄰至心回互以壅塞止皆夢中境

文研究法

蚜

以往路兮馭儗儗歸以回復儗儗相疑也夢中辨路決不清晰故言儗儗回 此字則誰導夢而歸亦並非所謂夢神。但以若有二字了之故曰者有妹余 不見乎水陸是正面寫夢雖奇非奇頂處忽用一妹字鐵導也禁鐵也不有 **屉悠悠然亦無憑依而立描摹虛無居然生出景象上茫茫而無星辰兮下** 至忽崩霽上下兮聊按行以自抑似模糊近鄉井矣故都之委墜鄉間之修 復眞一字不茍自是以下,均夢中幻境無非風雲霾雨之類音節一本九章。

直原田之蕪穢喬木之摧僻垣麼之不飾不是眞嚮夢中見出是平日有此

開寤則蓬然覺矣然尚在惶忪之際骨罻蒙其復體兮孰云桎梏之不固妙 有制而莫逸意確是夢欲回時狀態故直接上鐘鼓喤以戒且兮陶去幽而 未曾有此體且惡占質欲周流而無所極之欲字級若喜而佁儗之喜字皆 思想遂歷歷若見諸夢中脫敍到接見故舊文酒歡治亦未嘗不可顧騷中

夫子居九夷自慰又引老聃之適戎蒙莊之遠去似不必以故園爲慕然首 願桎梏,人而久之知夢歸不可再得故曰。余無蹈乎歸路,只好義命自安引 封建一論爲古今至文直與過秦抗席東坡志林謂昔之論封建者曹元首、 涸寒也是陽慘陰舒之意至摹寫山林仰伏離辺 螂之態是柳州所長讀時 愛者皆陷挛也故賦囚山通篇著眼在陽不舒以擁隔兮羣陰冱而爲曹冱 也宗元謫南海久厥山林不可得而出懷朝市不可得而復邱壑艸木之可 囚山賦晃無咎序曰自普達人有以朝市為樊籠者矣未聞以山林爲樊籠 邱正也鳥獸喪匹尚且過其故鄉鳴號況乃人乎三復茲夢始還清命題本 絕督尉魚網也魚網裝體是人醒時神魂未定尚有麻木之意不惟智尉且

文研究法

敦夫黃唐均有攻駮之辭實皆泥古不化不足深稱今就文論文識見之偉 陸機劉頌及唐太宗時李百藥顏師古其後劉秩杜佑柳宗元宗元之論出。 特文陣之前後提緊彼此照應不惟識高文亦高也入手言封建非聖人意 而諸子之論廢雖聖人復起不能易也范太吏唐鑑亦以公之論爲然那程

歸之於勢。聖人不欲違勢以戾民故因勢而成封建正是聖人圓通廣大處。 人之意必欲封建語至明顯以下敍周之大勢自春秋迄戰國周之敗端歷 有天子始有諸侯蓋不如是次第鎭攝爭且不息是言勢不可不封建非聖 **遂上溯有生之初與貞符篇同一命意自萬物皆生起至然後天下會於一** 腐儒見一非字便以爲開罪聖人抵死與爭謬矣立一勢字旣定全題之局。

廢封建也非右秦而左周也故其下疾接入不數載而天下大壤是迴護上

歷指出無遠就勢提起秦制四海運於掌握之內稱秦之得是虛頓得者能

肘即其明驗讀文中斷語日州縣之設固不可革是決言封建之不可行吃 心使之同惡如宸察之於明耿精忠之於前清竟有倔强不服之人左掣其 也何者郡縣立則權分大吏雖總其成一欲謀叛不能立時聯絡郡縣吏之 民心而召叛。非縣吏之失也有叛國無叛郡。一段是言漢縱宗子而驕功臣 專比較封建與郡縣之得夫中間三用叛字有叛人無叛吏。一段是言秦失 促也其有由矣四字專爲秦政之不善言與封建事。一無干涉蓋脫去秦字。 句意亦是防人攻駮語蓋封建固失周之國祚長也郡縣固得而秦之國祚 此失在封建之制與政無涉秦時郡縣酷刑苦役似疑郡縣之不善此失在 然山立其下又將周之封建秦之郡縣兩兩比較周時諸侯亂國多理國寡 之失。非郡吏之失也有叛將無叛州,一段是言唐任藩鎭之失非州吏之失 政不在郡縣之制蓋郡縣之守宰。一得人即行其理諸侯世及天子不得變 交 研究

其君此所以爲難也漢則封建郡縣兼行然叛者多諸侯而郡縣往往得循

封建。至二百祀。一言殷周聖人。不革其制假郡縣之議。大戾於聖郎駮之日。 難。一言周延而秦促。即駮之日。晉亦封建何以有八王之亂二姓陵替唐不 秦與漢分爲三段周之封建無一得也秦之郡縣朝廷自失不涉郡縣之失。 湯仍夏故侯因以黜夏不能變也周因殷故侯因以勝殷不能變也此皆湯 至漢則封建失而郡縣得彰明顯著成案嶄然讀之爽目此下設或兩者之 東邊庭往往得名將設使漢室盡倚諸侯則轉不收循吏名將之益以上周

出勢字以應篇首此是定法。 始言端者秦開之不必秦能守之也推去秦字但言郡縣勝於封建結論清

革周制意似公矣而其情亦私此時忽下一斷語曰。然而公天下之端自秦 武之不得已歸本上文勢字夫因勢而不得不爾則非夙本之公心可知秦

守原一議論者謂柳州憫當時宦者之關故有此作意不在指斥晉文且晉 不之應蓋齊桓因難出走旋得鮑叔之力反國又得管仲之力定霸身處順 問之。一舉趙衰恍然有悟故立下詔令若勃鞮別舉宦者以對則晉文亦決 文萬非齊桓之比或且守原無人宮中思索守者不得偶見勃鞮在側姑爲 妨以下引據節節精當用筆活跳蓋有理之文始能縫橫如意若文無把柄 愚賤而聖且賢此不可言妨親而舊者愚遠而新者聖且賢此尤不可以言 也柳州不惟不斥爲亂源而且直據爲理本使人不能不加意於此文貴而 六逆中所謂賤妨貴遠間親新間舊三事不佞始讀時亦已疑之顧未暇論 人眼造語極古而析理又極明達不著一閒話於此見用意之精。 柳州聰明讀古書能以理析之如六逆論問守原議翦桐封弟辯皆明澈醒 一力撥演雖引用宏富究無著也。

辯中謂以桐葉封婦寺亦將舉而從周公大聖豈憒憒至此柳州此語特用 翦桐一事史記晉世家有之說苑亦然鄙見不盡可據爲實錄卽不辯亦可。

程。呂東萊幾奉爲祕訣蘇東坡王船山尤甚然皆深文也

之遷政於閹人暢論流弊所及於是景監弘石之禍謂皆晉文兆之此種法 此大義則不能據此四字爲定案柳州論失政之端明斥晉文實隱譏德宗 境故宦寺之言易入晉文在外十九年。豈不知謀及媟近之有害然而欲責

爲文瀾耳文中大要在王者之德行之何若設未得其當雖十易之不爲病。

要於其當不可使易也數語實深明大體之言。

民三項並列就文讀之似箕子生平實兼是三德然尊為帝師對之朝鮮特

新朝重勝國遺老國於海隅於禮非爲隆厚於正蒙難一節不能並舉爲偶

人之仁道合隆污又言非死非去有懷故都正聲明文中正蒙難之故欲俟 脫難之後使朝廷歸服於正也嗚呼箕子出奴而能使朝鮮之民終不相盜。 惟史眼如炬而且知聖功深是一篇醇正堅實千古不磨之文字類中言聖 何之屈節方見得是正蒙難方見得是箕子之明夷尋於囚奴實有待也不 武庚念亂以圖存國無其人誰與與理能寫出箕子不得已之苦心作無如 要之言。在周時未至殷祀未殄比干已死徼子已去向使紂惡未稔而自斃 而柳州之文亦正重此正蒙難一層謂箕子之辱於囚奴者有所希望也握

乃其所餘之黎民亦終於奴邪惟紂之暴乃敢奴及箕子而紂之收局何如。 乃屈辱於日本鞭箠之下永永爲奴無自脫之日然則聖人之蒙難辱於奴。 無門戶之閉婦人貞信不淫辟其田民飲食以鏸豆爲可貴獨至今日百姓

彼敢奴箕子之民,吾亦將拭目觀其收局矣,孔子廟碑古來恆有作者。然畫

源表彰聖學也子厚之道州文宣王廟碑為薛伯高作且述伯高之言曰夫 阜縣宣聖廟碑銘較堂皇莊重然亦稍傷排比但言褒貶善惡未嘗闡發道 而處州孔子廟碑但記從祀圖壁諸賢及用王儀釋奠而已李北海兗州曲 文章文章家能爲恢富華瞻之言而又不能真知孔子昌黎自謂道統所係 工之畫天也天之混茫無極將何處著筆理學家自謂能知聖人而多不能

於後失厥所謂妄異科第坐祝十人以爲哲豈夫子志哉似以開元八年改 子稱門弟子顏回爲庶幾其後從於陳蔡亦各有號言出一時非盡其徒也。 顏子等十哲爲坐象悉預配經爲非是故伯高嗣孔子僅配以顏氏此說極

爲宋子京所非旣咎伯高且詬子厚要之伯高實非知道之人即李瓘之請

易十哲爲坐象亦特一時與到語不必卽有崇儒重道之意子厚此文或爲

伯高請託。一向失檢輕易轉述其語。然按其文中敍述亦末嘗稱伯高爲特

用美詞尙稱之爲犯然則伯高黜去十哲單祀顏子寧獨非犯且爲人請託 不佞所謂天不可盡也且犯之一字細思之亦似有理解夫褒與譽美詞也 具存為贊其道若學天地之大褒日月之明非愚則惑不可犯也此數語卽 碑文中用斥廢語者及文末言惟夫子極於化初。冥於道先。羣儒咸稱六籍 高議論不加溢美之詞只閒閒敍過蓋子厚之心固知伯高之好奇斷無於 配事因歎夫子之道二帝三皇無以侔大也遂以其堂庭庳陋椽棟毀墜之 用周禮國語九不見其俗感道懷和以下。敍伯高德政是應有之筆。迨述伯 不見其寒儉至於立咸周食拓關毓藍禮子母求贏以供祭典語雖瑣碎然 故乃易新構以下述節用乘時始克有成寫州官貧薄之狀然澤以高文乃 見今但就文論文無暇更爲左右之說矣此文嚴肅彷彿南海廟碑入手言 成文原不宜面指其短但於空中射影使之迴光反照善於言者固有此

统法

3

法也文似辜仿魯頌弈弈有光氣。

唇聽盎盈道上。臨婚輕級之來新與收職同 祖臂徐去且撞殺孕婦人又 稱極筆寫郭晞得卒日奉行丐取於市不樂。亦經也輕奮擊折人手足推釜 也不佞甚惜柳州不爲史官其寫忠義慷慨處氣壯而語醇力偉而光斂可 柳州段太尉逸事狀與昌黎張中丞傳後敍均洋洋有生氣亦皆良史之才 集中六七兩卷均和尙碑不佞昧於禪理不能盡解故特闕而不論。

付公理公見人被暴害因恬然且大亂若何又曰某為涇州。輕瞬所聞 尉自州以狀白府自州者太尉時爲涇州刺史也其告白公曰天子以生人 力臺漢書時白孝德方爲邠寧節度以王故處不敢言作一頓於是接入太 入市取酒以刃刺酒翁壞釀器酒流溝中云云皆極寫邠州客兵無賴狀態 適少事,今不忍人無寇暴死以亂天子邊事公誠以都處侯命某者能爲公

景文新唐書去一吾字。求簡而轉晦無取也太尉語極抗强却極委婉一則 漢書酷吏傳矣工夫在用一注字。植字光色燦然動目。一軍盡甲後太尉笑 爲是傳善藥貨馬代偿其穀謀聞之大塊、數稱聯自合兩事而言公能殺郭 尉太尉判辭甚異使人論誰點怒召農者鋪其判辭於農背大杖之太尉竟 途繞敘到 涇州惠政矣大將焦令諶。| 因早而貴穀於民民飢無以償告太 亦描摹不能盡致其责郭尚書語侃直而簡貴及造府謝過邠州之事已畢。 哂全軍之不武一則示一身之有膽太尉遺事固自風流然不有此等文章。 且入日殺一老卒何甲也吾戴吾頭來矣老卒者太尉自謂身爲處侯也宋 即謂爲能學史記也及太尉列卒取十七人皆斷頭注槊上植市門外直逼 力言激而忠果而非躁學史漢而能成自然非若侯雪苑之寬取史記句法。 已亂使公之人不得害一往爲冤民言旣責近孝德之畏懦因而表已之幹 文 研究

兼仁勇言也見得太尉神威凛然百死無懼而先乃愛民如慈母之將子後 太尉大節在笏驿朱泚此特其遺事然先敍殺卒。注頭後敍賣馬價穀者則 感之以誠驕卒之殺人節度使宜問也旣問則宜執法以治之無憚貴要段 晞之卒。詎不能面斥此悍將不知徵營田之入。誰非有罪也在禮宜巽且宜 ij 筅

節平仄雖不盡調然韻脚調也序中用四字成句則可以不調平仄仄處累 銘復四言讀之疑複韓柳多有此體然亦易辨銘有韻以限之法宜循聲按

國子司業陽城遺愛碣至難學以序中用四言厥體如銘不過不用韻耳而 先倒敍似疾雷迅電過後却見朗月當空使觀者改容是敍事妙處。

唐故衡州刺史東平呂公誌爲呂和叔作也和叔謫衡州竟蘂葬於江陵之 則八字一頓自有節奏不能讀作一氣也。 **仄。設之喑塞平處累平。設之鏗鏘且一氣黏貫而下可以數句作一句證銘**

及文章矣奮藻含章決科聯中此言貞元十四年溫中第事休問用張署讎 聖人有心由我而得此言溫從陸質得春秋之學推理惟工舒文以翼則道 **膚惟其悲之深。遂不覺其言之過。誄文經縣往復舉溫生平。一一運以韻語。** 播氣誼振一時証限見和叔菜葬有不悲者言菜葬者遊葬耳不必以上親 非其所盡力獨其跡耳所稱不無太過然八司馬同貶之時子厚欲以柳易 章宜傳於百世今之存者。非其極言獨其詞耳理行宜極於天下今其聞者。 秋於陸質學文章於梁肅劉禹錫督編次其文所學頗有根柢柳州言其文 野子厚悲其同貶又道衡二州來永州於其中故云哀聲交南北也溫學春 百氏官校書耶也錯綜逾光超都諫列遷左拾造也君登御史贊命承事爲 如是起則道不勝禍一轉為無力春秋之元儒者咸惑君達其道卓然孔直。 自麟死魯郊起至堯舜是師居然以道統歸呂温此文人溢美之辭也顧不 文研究法

|弔祭使也來總征賦甲茲郎吏遷戶部員外郎也正郎司刑邦憲爲貳

凡銘幽之文有大勳業者序近名臣列傳其次述德行者近儒林述文章者。 近文苑叉次則敍情款敍悲數種之中惟敍情敍悲者或足動人以外三種

文縣細中却極抗爽進止皆有法程是極善爲韻語者。

州以下均敍道衡二州政蹟唯其廉貞故死無餘蓄結穴處用疑生所怪怒 宰相李吉甫召醫人陳登入宿溫劾奏吉甫交通術士庭訊無左驗遂貶道 **資羣爲御史中丞請溫爲知雜故云邦憲爲貳也紀逖伊肅詔諛具畏此言**

起特殊。齒舌嗷嗷雷運風驅良辰不偶卒與禍俱則憑弔生平哀其末路也。

以比肩昌黎若一一加以評語,將不勝其繁令試舉一二篇見其製局之異 但求體例無失敍並不漏而已柳州集中此種文字。固不少鉻詞亦古宕可 者如故連州員外司馬凌君權厝誌故襄陽丞趙君墓誌是也凌君於元和

鞭衾焉文雖怪岸然以此表來章之孝而其事復在柳州安可無子厚爲之 州耳光言必遇西人之有髯者決得墓所於是果遇曹信知狀發之見緋衣 刮 雖惟稱 写為卜其光至奇鄙意光詞或柳州代為之製光出秦詡詞則柳 子來章始壯行哭求之於柳州此又何可得也來章哭之於野凡十九日秦 處大事未乃逃其流貶母亡弟喪歸怨於報應之無憑此子厚本色之文必 信命而論鬼預言其葬所此種製局乃大奇以下始敍官閥及立朝風節能 切肝腎之脈知其濟與代忽歎息其將不臘而死並惜所學不終立於世又 君渴葬在貞元十八年。至元和十三年,其中間絕十七載之久不封不樹,其 不合耳趙君之銘則非銘趙君直志其子之孝造句怪特古鬱製局尤奇趙 極於牢騷而止銘詞用三言成能卓立紙上唯中間未清出三代頗於體例 元年與子厚同貶此誌子厚在永州時作入手卽書於未卒之先預言死徵。

研究

法

ハベ

刃而 莊重此史漢之慈訣韓柳可謂得之矣。 潤色。銘詞神似昌黎有是奇事自有是奇文也凡事之愈猥瑣者行文須愈 如松 職 也 故得之鯨之來也能驅羣鮫此何可得惟其北蹙於碣石稿焉故 智伯之贪而取敗語語針對卽語語發明勝處在兩用徒手得焉能自圓 \$P\$\$P\$ 文不過發為兩大段前半悉力喻魚後半即以魚之食而得死喻 此漁者以下由小魚而希大魚猶之滅范中行因而圖趙旣得把握。 皇然既成爲繁衍之體則不能不究其段落入手自水灌晉陽生義因是見 意不過食不知止猶之螳螂捕蟬黃雀在後耳一二百言可盡不值如許張 漁者之對智伯設喩之文也華色似漢京氣勢似南華詞鋒似國策綜括大 .思鯉之來也從魴鯉數萬此何可盡得惟其環坻寂而 照其間用字之斟酌亦宜留意 如今非妖枉诉此 ... 之大 收字 字以

彈好 怨臣 而之 可以迎 遊餌

不能出高也中

以大鯨喻智伯也至漁者得鯨後忽慕文王因而求見智伯此爲文字脫卸 首解於邯鄲霞摧於安邑胸披於上黨尾斷於中山之外而腸流於大陸為 聰明龍下此一語卽從死中求活讀者亦不可不悟結論言臣恐主爲大鯨 不當以下遂可閒進以諷諭惟不有此句作過渡文勢將滯壅而不通柳州 至此忽推開不言但言漁者之來爲釣文王而來以文王譬智氏智氏焉有 智氏之身若言進而不已而致敗則漁者之身未嘗沈沒又何足以譬智氏。 得之喻范中行之自敗故爲智氏所有然有難者漁者之設喻漁者之身即 活法也主為大鯨句是另起爐竈語不過從喻魚意帶出耳。 之機關蓋萬不能言漁者得鯨後別有他慕自窮於死地即吾所謂死中求 此特喻中之喻非設喻之正意也文之本意以漁者之食對智伯之食言非 蟲蠹 針眸即的腳一以充三家子孫之腹讀之似無首肯設喻之切當不知

可愚之實然一經柳子之好則溪與柳合一亦不能不成爲愚此文字之樞 之言以自方也清美有功力能濟人表溪之能亦即所以自表其能在理無 水舉濁淫舉墨水四者皆出愚溪之下表愚溪之品較勝於四者此託夢神 愚溪之對憤詞也亦稍傷排比較諸愚溪詩序質遜其淡冶文舉惡溪舉弱

紐樞紐一握下此遂易發議論矣貪泉一喻尤見水與人有關係處人可因 也最景以遊汝園園以守汝曾經路喻僻處無歡也正喻夾寫不辨其是水 里喻淪謫也側僻迴隱蒸鬱之與曹螺蜯之與居喩所接皆鳥言夷面之人 水而貪則水亦可因人而愚行文至此眞頗撲不破下此言遠王都三十餘

應爾至此直將愚字坐實溪身矣以上所言尚嫌其不甚顯豁復引起夢神

問於是大放厥詞極寫已身之因愚而得禍却實向夢神愬說一番有悔

是人復言汝不得顯者臨汝獨見獲於至愚之遷客當汝爲愚似溪之運命

鉄兩相稱又次言晉國名馬所產以屈在晉地也寫名馬較寫兵甲易抒其 亦七不云七問者避其名也子厚晉人重堯之故都因武陵之問悉以晉之 晉問者。仿枚乘七發體七發所以隱諷老導於是仿者至衆咸以七名晉問 天圓地方等等背新學未發明時語氣可不必講即其造語之工亦不易學 天問多泥當時舊說語雖奇古而設問之詞多可笑如天有八柱月死復生。 小錢雲破得站墜飛鳥。瓣紋蝴鸡燈瓣她諸句直逼漢魏賦事與第一段亦 者膽掉。雖『目出寒液。雖當空發耀英精互繞晃蕩洞射天氣盡白日規爲 然較諸描摹山川險阻少欠展拓亦不易形容中間如若雪山冰谷之積觀 之工非專取隱僻之字用街淵博。與經驗即節於個也《次言兵甲之堅利。 名物對。一言山河之險固雖規橅都京好用奇字形容山水然時時見造語 過意有引罪意則發其無盡之牢區沒其一腔之悲憤楚聲滿紙讀之肅然

者鹊爲怒者人搏決然坌疁蜿躍于里相角攫地跳梁堅骨蘭筋交頸互齧 雄放然遊之氣如翠飲源稿廻食野赭浴川蹙浪晴震播遞言馬之衆也喜

兼敍山川不知者似於第一段徵有複沓之筆然敍山則言因山而伐木敍 開生面矣又次言晉產名材然木長於山旣采則乘河流而下寫木不能不 門目相馴聚溲更噓昂首張斷寫馬之態也較諸少陵東坡詠馬諸作似別 河而流焉邊突倖兀舜环虺姫也轉騰冒沒類泰神驅石以梁大海、蝴熙辨 水則言因勢而漂木。初不相混尤妙者揹危與芟繁柯。乘水潦之波以入於

私椒 抵曲縣蹙匯流雷解拌首軒尾 輕較難聯要項入重潤超級財職職員僕 在南中見采木者乘溪漲而下適省此可狀讀之數子厚體物之工也又次

言河魚之多叉次鹽之利奇氣少殺以魚鹽二事雖於著筆也終敘文公病

業。言民之好義而任力近矣然仍歸本於王道以儉讓爲宗率堯之遺風醒

陽之壞人由之生此語不知據何理而言妙在繁而息之者物之讎也句把 而禍比于此尚近情之言甚者謂桀紂如毒蛇猛獸一無所知但能禍人並 賞為罰均自人目中所見而天一不之知明似乎韓氏之憤慰韓氏之悲乃 天衙之也柳氏之詞則不激而近貌貌天之無知並謂不信其有賞罰凡爲 世太酷文語語皆柳州本色惟狃於數見故亦平易視之。 無喜怒恩忍語似寬縫實則詆天彌甚則謂之二氏皆激可也文言元氣陰 不覺斥造化之漫無彰輝處為語更激猶之人詆桀紂為顛倒順逆福恶來 爲有知不過有知而倒行其賞罰似咎人不應鑿渾沌之竅而施其智力故 天說至奇因韓氏之言。而與之伸辯也柳氏斥韓氏爲激質則韓氏尙謂天 答問及起廢答皆解嘲語答問之文不及進學解之恢張起廢答略趣然黑 出用意所在以文始以質終

文研究

人物合併而言。蟲者物之讎病者人之讎而人者天之讎也蟲與病能戕人

柳文研究

福是大不然之數故受罰滋大以上所言均主天之示罰言然終不能言人 物則人亦能戕天之物故天之讎人亦由人物之讎蟲病耳讎天而求天之

得禍萬不算是嘗罰謂爲賞罰者謬也二氏之說於聖人畏天命說大歧然 然則一切不管功焉而不知所以報害焉而不知所以爲其偶然得福偶然 解焉隱言已身之禍與天無涉天地之中,有元氣有陰陽然元氣旣謂之渾 此說不見之韓集意者因柳之貶爲此憤懣之詞用以慰柳柳因爲之進一 比是用虛寫之筆總言之韓氏眼中但見得善人不受福於天故有此語然 之害轉邀天之功故言吾意有能殘斯人使日薄歲飢是則有功於天者也。

柳州集託諷之文可乐者有五日皓說日捕蛇者說日說車贈楊誨之日謫

行文奇詭言人所未嘗言自是韓柳鉤心願角之作。

龍說日羆說。

親戚朋友之愛著一無字聲罵世之言全不坐實歸入出乎殼卵句人不如 **鶻說主報施言正意尙不吐露中間神光湧見處在無位號侮祿之欲里閭**

故遂愛其死。忘其飢鹘之明理近道乃出天然之殼卵物無其器而有其道。 義之器然無欲則爲此不算沽名無愛財行此不爲狗私區區以用其力之 鳥在有意無意間點清工夫又全在上旬一個器字言毛翻之物原不爲仁

也率性再舉梟鼠一比。二物陰而噍殼則陽而厲厲則近盜然鵂之所爲弗

則明明爲人者媿死矣駡到此處以賤躐貴以物凌人亦可止矣然未痛快

盜去陰賊者遠矣仍是就悔說惱不涉人事末至毛翮不辭但思當乎太清。

則憤世極矣或言人有爲子厚所邪翼而不知報故斥爲鶻之不若似亦有

Į. 女 呀 宛 法

發端所在見得賦役之酷雖祖父皆死猶冒爲之然上文止言歲賦其二未 **捕蛇者說胎苛政猛於虎而來命意非奇然蓄勢甚奇當其租入旬是通篇** 病民之手段悍吏之來吾鄕六字寫得聲色俱厲此處若將蛇之典質拈采 存爲句。屹如山立然此特言大略但就民之被害而言。尚未說到官吏所以 爲苛贲之詞而役此者實日與死近此處者疾入賦之不善或太息或譏毀。 說車近詞費然造句崤勁須學其用字練字法 掩映便立是墜落小樣妙在恂恂而起弛然而臥竟託毒蛇爲護身之符應 捕蛇之害作兩兩比較但言民生日蹙至於死徙垂蟲縮 周吾以捕蛇獨 文勢便太直率吳文輕輕將更役復賦四字鞭起蔣氏之言且不說賦役與 染而倩景如畫收處平平無奇。 上當其租入句文字從容暇豫中却形出朝廷之弊政俗吏之殃民不待點

淺顯易讀。 **罷說在不善內而恃外句與謫龍說同似信手拈來得此句後始足成全文** 謫龍殼重要在非其類而狎其謫句想公在永州必有爲人所侵辱者文亦

子厚擬騷於諸賦中已見之矣然自乞巧以下諸文雖命意純駁不一而楚 郭薒駝傳幹人傳均發露無餘似朱清囊駝梓人皆論說之冒子其後乃一 一發明之卽爲此題之注脚文固痛快淋漓情發露無餘不如頻敷一傳之 交研究

外及最後收束一語始作畫龍之點睛翛然神往方稱佳筆子厚之宋淸傳。 者且又不領史職以故集中率多寓言凡善爲寓言者只手寫本事神注言 文士原不爲達官立傳而子厚身爲黨人爲謫官想無中朝耆碩託之爲傳

.

聲古均大非有唐諸人所及。 乞巧文意本解嘲而體則祭祀事屬兒女而語則牢騷且入手敍天孫嬪河

梁款天津儷於神天於漢之濱寫得欽嚴莊歷一似織女牽牛七夕之會確 近祭祀斷難如此蓍筆文乃曰今聞天孫不樂其獨得貞卜於玄龜將蹈石 鼓悠謬之談公然見之文中此在詩家詞家或能出以纖詞施諸韻語而文

段特出拙字拙字爲巧之反面言乾坤之量可以曲包蟻蝸螺蚌之風皆蒙 巧字痛罵一場以小題目爲大文字造語橫空盤硬不下昌黎乞哀之第一

有其事者於是從乞巧二字舍去穿針瓜果事指出巧言巧官諸醜態借一

是自咎無能之詞此宜乞之第二段次言此等之巧臣奚不知顧一效之則 **惛之而彼乃反用以爲奇此臣心執而不移之故亦自知之。夫執卽不巧此**

覆崎臣爲物之靈進退唯辱何也此是發問之始至變情順勢射利抵嬓我

途昏險擬步如漆左低右昂鬬冒衝突鬼神恐悸。聖智危慄泯然直透所至 矣此一段不是乞是質問語到底世之所謂巧者安在天之賦人以巧者亦 觀者舞悅則已負高世之文自然斥爲老醜雖跪呈豪傑徒見投棄取辱至 賦授。且口之所宣與筆之所達者為文文亦言也顧以抽黃對白之技能使 測僧憐所以如意臣之所以不如者在喑抑莫宣無可歸怨不能不歸怨於 獨嗇其傳授於己所以必乞此又宜乞之第四段以上言巧宦抱虛求進之 如一是獨何工縱橫不恤非天所假彼智焉出此則坐實造化之相巧夫而 之身與巧夫比較得喪其辭曰欣欣巧夫徐入縱誕毛羣掉尾百怒一散世 轉形瞋怒似巧中別有工夫在內所以宜乞此宜乞之第三段次則舉不巧 何至美醜頗倒如此,付婆媚易頑顏鑿方心,規大圓拔吶舌,納工言,一切陳 工夫。描寫精透已極以下斥巧言矣。沓沓霧霧。非善言者也工夫在知喜怒。 女研究法

請皆以反面爲正面語度天孫所萬辦不到者偏吐此難題經天孫示夢一

惡而嚴之意也。 **躨佞之類也其僧之也其爲之也投畀有北之意也其宥之也以遠小人不** 晃無暑日離醫以虬龍鸞鳳託君子以惡禽臭物指讒王孫尸蟲蝮蛇小人

罵尸蟲文洩露無味

孫和解究據勝著雖近詞費然擬騷不得不如此。

勸戒謂汝惟知恥詔貌淫詞寧辱不貴自適其宜醒出本意似此說雖經天

者之言,入手逃儉言。甚兇厲似犯人死不治,一不宜宥又善伺人捷取巧噬 宥蝮蛇文在三篇中爲第一以不宜宥而宥竟言出所以得宥之理良爲仁 僧王孫文幽渺峭厲龍曲狀小物皆盡其致 一不宜有不得人而齧草木後人來觸死莖猶得廢病三不宜有文似無可

之別耳。 不忍釋利而離尤髮披錢而舞瀾兮魂倀倀而焉游寫溺狀如畫。 量最透闢者鎖之文言永民善游乃以腰千錢之故不舍而溺序之結尾即 哀溺文與賴蝦傳同一命意然柳州每於一篇寓言之中必有一句最有力 此作。凡慨世之言、慨深甚於譽酷也辭仍序意重說一過不過有韻與無韻 怪僻之形含禍賊之氣受之於天,非蝮之罪也憐且不暇何由加怒純是一 密居易庭不凌與而步鬧蝮雖毒惡得害雖然此猶就人而言若在蝮者賦 招海賈文。踵大招而作。屈原將死精神離散防爲鬼物所奢故大招其魂言 日得不有大貨之溺大氓者乎語極沈重有關係文中如旣浮頤而滅膂兮。 片仁恕之言蓋子厚嘗世變深知小人之毒萬不能校只合聽之而已方有 翻身矣妙在不問蝮蛇先問蝮蛇得處以下即可納入全身遠害之意要在

皆不如楚國之樂。柳州此文即變其義謂胸利遠游亦不如故鄕之樂用諷

雪嶼 三角之駢列。鹽魚直將攫人以充饑第四段敍弱水之險貧羽無力觸 迷惘第二段言奔螭翔鵬天吳之屬皆足害人第三段言黑齒之鼵籃疄址 世人但居易切勿行險文凡九段前七段。一言海之神怪多氛霧甚恶易至 垓且翻究在一舟此所以必當反也至第八段勸其易野而蹈蹂乎厚土則 言舟行殆而一跌即沸入湯谷爲日炙死第七段言海若一怒足生風電九 之立沈第五段言鴌淪之泙八方或因迴旋而易位舟行且不自返第六段。

舍險而卽安矣。第九段引膠鬲諸賢專居陸之利俾海勿行而就險上七段。

語其害下二段舉其利文至明顯句至奇崛。

子厚初志託二王以進意亦欲盡忠款於王室耳二王旣敗悔憤交追往往

取古人之懷忠貶死者用以自广因之多騷怨文字養弘事與子厚至不相

夸功。彼彪子之言故作解事。直舍道而從世亦復何取指白日版上帝以下 高唱言挺寡校衆聖人所難唯欲援嬴威傲之故遂致殺身卽城成周豈爲 已矣。圓死而處末兮,非大夫之操陷瑕委厄兮。固衰世之道兩語反言也下 數句極狀養弘之懷忠而冤死狂愬聲雖豫號辭均屬無濟但心涸形慄而 制於强國以死於是忠識去而畏忌生寧病百而不肯伸一矣此處忽大聲 在臣乘君則一語欲强宗周故有成周之城此一段敍養弘之忠誠也逐接 而流貶。弔之無謂也大抵以莊周所言萇弘死。藏其血三年而化爲碧子厚 類周以范中行之難殺養弘媚晉唐非封建之國子厚又不因强國之却脅 云不可愈進正是養弘之心末以賢者樂得死所爲結清出敬弔忠臣之正 入河渭之潰非驅所抑嵩高之啓如罪非手所排以欲明章人極之故卒就 腔熱血自謂不後養弘因有此弔耳文自有周之羸起至大夫之羞著意 文研究

理直而詞悲雄自謂儒者責原不必沉身以表直子厚之得罪以所附非人。 意用屈文賈誼爲之揚雄亦爲之子厚則又爲之誼忠憤自謂以忠見屏故

不能掏己所懷如買生之憤激故文中但敍屈原之被讒懷忠而死極力搬

以累规之身。殆以焚餘之桐自方。累用良字。是否身分語子厚三戒東坡至 演似無甚意味以永邵二州皆宜浮湘似爲謫官應有文字耳。 之枯又加良焉火之餘又加良焉五用良字語有深淺讀之不見其贅子厚 霹靂琴贊引愈於贊引中之言曰琴莫良於桐桐之良莫良於生石上石上

爲契賞然寓言之工較集中寓言諸作爲冷雋不作詳盡語則諷喩亦不至 尾皆來者則妬籠者將進而掊之也日抱就大則用大力規脅使嫉者母動 漏洩其本意使讀者無復餘味臨江之樂喻恃寵之小人所謂羣犬垂涎揚

也。忘己之聚謂犬良我友譏小人之無檢而不知備也時啖其舌則兇燄露

國引用黨徒,一旦勢敗則依草附木恣為豪暴者匪不盡死廢終以利故。 用彼以其飽食無禍爲可恆句一束可恆二字中含無盡慨歎見得權臣當 如故曲繪小人之無識。禍至不知斂懼假貓灌穴之事。遂了了在人意中文 暴其聲萬狀則小人黨中之自鬨因利而爭勢所必至追後人來居鼠為態 某氏則小人之招其黨類稱曰無禍亦就小人眼中所見而言者至竊醫關 貴尚不至於害人然其道已足以取死。永之鼠則分宜之鄢懋卿趙文華耳。 倉廩庖廚悉以恣鼠不問名爲範之是預授之以殺身之機倪鼠相告偕來 永某氏之鼠與前篇大同而小異。築之恃龍穉耳如蓮賢之類不過龍盛勢 文研究 *

挫而盡之此小人收場之必至也文不涉人而但言樂讀之灼然自了其用 矣至外犬之共殺食則主者之勢不及或燄衰而事去平日積憤於人至是

不之悟此所以可哀也。

近孔北海襧正平皆雕然大物也乃不知曹操黃祖之爲虎怒而蹄之旣無 黔之鹽、全身以遠禍也。雖果安其爲驢尚無死法惟其妄怒而蹄去死始

異能終至於斷喉盡肉而止故君子身居亂世終以不出其技爲佳若徐穉

壓多以四字為句昌黎集中碑版之文亦恆如此其用四字為句非取其短 劍門銘紀度支副使劉闢之亂旌神策軍使高崇文之功也序文至嚴重宏 梅福茅容者可謂其眞不爲驢者矣。

悍也敘事能縮繁爲簡鱗比而下則氣聚而不散響微而難枵尤足澤以古 入皇帝元年八月師喪衆暴此言韋皋卒部曲叛也自妖蘗扇行起至於堅 貨混同戎蠻人龐俗剽嗜爲寇亂意謂卽無劉闢鼓盪其閒蜀亦不靖直接 雅之詞惟時時復濟以長句始不至於自促其步武文入手言蜀都重險多

崇文之功。則曰。由公忠勇憤悱授任堅明。謀猷弘長用能啓闢險阨夷爲大 左師出劍門寫破賊之狀則日大攘碩屬諭引却脅蟻潰鼠駭險無以固敍 公鄉十字寫得鄭重以下發王師之紀律主將之仁信十一月右師逾利州。 莫已加句。一蘇其氣則以上所用之短句。便不迫促惟梁守臣禮部尚書嚴 利鋒鏑以拒大順止成斥劉闢之叛其下將起討罪之嚴公却用雷霆之誅 鞭賈一篇子厚蓋借以諷空空於內者賈技於朝求過其分而實不足賴然 塗 衰沮害氣對乎天意致用休嘉議功居首增秩師長進爲大藩。宅是南服 **仄而不植。其行水者,一去一來不相承。其節朽黑而無文指之滅爪而不得** 不省不惟筆妙亦體物工也其狀鞭日視其首則拳蹙而不遂視其握則蹇 命題旣仄而鞭之內空外澤又至難寫子厚偏於仄題中能曲繪物狀匪一 云云語語背含古穆之氣讀之令人氣肅銘詞亦激壯。

其所窮舉之翲然若揮虛焉如既如非拳蹙不遂者態可憎也蹇仄不植者。

得其所窮者疎而無學也劉然若揮虚者神氣昏瞀不足任以事也一鞭之 冒虛名者之矯作意入手言市之蹬鞭者人問之其賈直五十必日五萬復 張其氣無古無今恆如此也通篇命意原斥用人者之不善然實悪無學而 己喻當路之任用小人明明知其栀臘然堅一已之私見屛大衆之公論用 揚灌黃者梔見澤者蠟見然仍試之必至於折爲五六露其糞壤之心然後 微比虛名之士乃窮形盡相而無遁焉然仍見取於富者則黃澤耳至爚以 品無取也行水不相承者儀不足也節朽愚而無文者。傖也指之滅爪而不

用其折而獲墜傷之患者乎理明詞達全局都醒矣。

求進處歷歷如繪至結穴以空空之內糞壤之理而責其大擊之效器有不 之以五十,則伏而笑以五百則小怒五千,則大怒而以五萬而後可寫抱虛

事記言分割以尚書春秋歸入記事類而以春秋後語爲記言又病其不協 響侔乎騷光色合乎漢京故序其弟宗直西漢文類言之特詳文入手將記 將爲昌黎分謗矣 類見得古文於道理之外拘極而縫殊無傷也然使裴晉公讀之則柳州亦 開釋引詩引史書均爲昌黎出脫太獎玄酒外嗜者尚有菖蒲芰與羊棗之 穎傳一體無之故有讀毛穎之作。俳字是通篇之主人翁以下節節爲俳字 則宜乎貪常嗜瑣者之笑也昌黎每有佳製柳州必有一篇與之抵敵獨毛 柳州尤倩切而語摯即如毛頴一傳開古來未開之境界較諸餓揶記尤奇。 昌黎之文雖裴度猶引以爲怪別在餘人千秋知己惟一柳州故昌黎之哭 於道西京文近古而又畔散不屬正以記言與記事雜不能各有列位而從 西漢之文。柳州平日之所從事也,柳州處唐之中葉舍昌黎外莫與抗者聲

興壞之說歸之於事所謂類者當矣以下始大發議論謂殷周之前其文簡 其序宗直以賦頌詩歌書奏詔策辯論之辭歸入於文以尚書戰國策成敗

楊評事文集後序仍分二類以辭令褒貶歸本於著述以導揚諷論歸本於 中應有之言文至簡要不爲泛博之論起訟皆有法程 敷施天下二百三十年間其文充簡册也收處稱貞元之文比盛於漢是文 而野魏晉以降則盪而靡漢處其中有賈董司馬遷相如之徒作風雅益盛

能肩隨子昂但有具體茲其可惜者也所以有追惜悼慕之言不坐實不過 文亦能無是二者之長矣顧但論其以文得名之故疾入不數年而天故不 者乃盛推陳子昂而文貞曲江猶其偏勝者也文縱論至此似乎楊評事之 比興著述則宜藏於簡冊比與則宜流爲謠誦然皆偏勝獨得未有無者氣

爲公僕者其言曰凡吏於上者若知其職乎蓋民之役非以役民而已也凡 溪上之所有者均隸於是溪者也以溪爲綱以邱泉溝池諸物爲目孰則弗 漢唐宋明諸老所未能跂及者柳州見解可云前無古人。 器則必甚怒而黜罰之矣文雖直起直落無迴旋渟濇之工但一段名言實 民之食於土者出其十一備乎更使司平於我也今我受其直怠其事者天 皆質實無伸縮吞咽之能唯送薛存義之任序真樸有理解甚肖近來所稱 贈序一門。昌黎極其變化柳州不能遠也集中贈送序亦不及昌黎之多語 知所難者能以歷落出之愚邱愚泉即由愚溪帶出溝池二物則又自愚泉 凡紀勝之文名迹之有數目者部署最不易安帖八愚之詩統之以愚溪是 下皆然,豈惟怠之又從而盜之向使傭一夫於家,受若直怠若事又盜若貨 生也邱也泉也溝也池也雖出人力。然但資遊涉非燕魚之所於是生出愚 文研究法

失把一切溪山辱之以愚決不能無殼以處此遂極狀溪之不適於世用用 堂愚亭而愚島則叉生自愚池之中以愚辱焉是總把上文一束然冒冒失

實則非愚茫然不違昏然同歸是莊列學問不過世人目中見爲愚耳文極 **鏘鳴金石則文章題則也凡此皆溪之所長而愚字又溪之所短名爲愚之。** 萬非合垢納汙之比故又稱善鑒萬類則識力高也清瑩秀澈則立身潔也。

軍散朗。但略記其事而已子厚則窮形盡相必給出物狀以盡其所能且愚 序飲短質悍勁語語入古且曲狀情事匪微弗肖蘭亭之集紀流觴也然右 舒徐無牢騷意態

溪之流觴與蘭亭亦少異蘭亭但流觴取飲愚溪則無有投籍之戲過洑則

簪徊遇坻則簪止失勢則簪沈文連用三而字省筆也然此但敍令耳簪入

以自咒歸到此漢不幸而遇愚人則加以愚名亦不爲無因顧愚者拙名也。

以聞據此則監祭之使彈劾至有權力然使禮官也記使之廳壁則不能不 器服不敬則劾祭官新史志云監察御史涖宴射及大洞中쪠視不如儀者 柳州監祭使壁記。甚沈肅稱題舊史職官志監察御史監祭祀則閱牲字省 或載朝廷之律令語必近莊然不能參以文牘詞必近與然不能雜以駢儷 廳壁記記官中事也或紀設官之緣起或摭官中之故實或詳官署之改革 化且釋氏之文逾半從略可也 柳州集中有序隱遁道儒釋一門製詞命意固有工者然終不如昌黎之變 放達不同不無少贅然即歸入本位覺點染處尚不爲虛設。 中人抃石上兩兩均有生氣直能頹上添亳矣後段增入昔人飲酒禮檢與 水中。頗不易狀乃日旋眩滑汨舞躍遲速去住又助以觀者之勢覺籌舞水 逃禮敬事。因引檀弓起。以敬爲禮之本以下始述使之職分。至雖當齋戒·得 交研究

以決罰止結清上文聖人之於祭祀句起發明所以致敬之故不惟行禮直

後輻敍領職之由故必爲記作禮官警覺之用與文格合。 祭品樂器祝詞婚嫁瘞埋之事嚴重如讀禮經一節然結穴仍不脫一敬字。 寓教敬教愛勸善之意分配事爲三種奉法守制尊責成於祭使以下列敍 柳州之記池亭其精妙處不減於記山水也。 柳州記不惟此一篇然以下格式及文之義法多不能出此範圍。 潭州楊中丞作東池戴氏堂記美楊公無美戴氏語易偏重頗難著筆導泉

楊公之口則楊戴道合戴之能離世樂道獨楊知之始有此池之賜則雖盛 而成池者楊憑也受池而爲堂者戴簡也稱戴簡之離世樂道而語即出諸

分離世樂道為兩小段均美戴氏即提入一筆日賢者之舉也必以類當弘 **戴簡楊公到底終有知人之明萬萬不至於偏重此是文之慧黠處其下稍**

他。 而山水之記尤爲精絕雖大同小異然各有經營韓公猶望而卻步何論其 諸公之一言則非極力描摹山容水態亦不易流傳於藝苑集中諸文皆佳。 爲力者公在永州一荒味不關之區必待糞除其勝始出是永州諸勝均係 凡記亭台山水有經巨人長德營쁅題詠游涉之處則後來爲之記者殊易 曾放鬆殊爲記中之極筆 戴氏行高文峻道懋則離世之志必將不果復迴顧到楊公之得人,一處不 却不曾把楊憑抛荒妙如連環鎖鈕殊不易得此下復將離世樂道例說言 農公之選而專茲地之勝豈易而得哉說得楊戴之合雖二實一神注戴簡 用意然堂外山水雖屬天然特非人力芟行焚釀奇勝亦不能出此其所以 永州韋使君新堂記與萬石亭體同入手言人功不勝天然之物此亦尋常 文研究法

異也逸其人。因其地全其天寫得鄭重似此山此水有待韋公而闢者項筆

堂外諸景皆歸納入此堂之內避延野綠遠混天碧的是名句而斯堂與斯 景物突出又似專待堂成爲之收束乃作棟字以爲觀游句清出堂成於是 惡雜亂似安排此一段工程待韋公來治者其下按入公之芟行焚釃於是 用永州實惟九疑之麓八字見得奇勝不少顧瓊山爲城所掩全石皆隱美 景竟合併在一處矣以上均敍斯堂此下則宜入韋公顧政績未見不過治

以成堂預卜韋公後來之政績並欲用示後來故不能不爲之記枯窘題能 此爲游觀實無項美之材料因土得勝擇惡取美蠲濁流清則無中生有即

展拓如是非大家莫能跂也。

萬石亭亦恃崔公披攘而出機杼與前篇同一經求墟伐竹披與而萬石之

狀皆露渙若奔雲至疑若搏噬止悉窮石狀顧有是萬石不能據要而俯覽

古雅必爲公潤色不惟潤色實製自公手文無他長專在用字造句徒吾役

本未盡以縣官之苛求而始告盡題之枯窘本無可著筆邦人之謠決無此 零陵復乳穴記中有連之人告盡者五載則乳穴當在連山郡不在零陵乳 萬石。爲古人適有萬石之名用以爲證歸入頌禱意作收束毫不著力。 蓋亭立而山之勝狀盡爲此亭所有可以不更敍矣其下言藝老來賀取名 文言合乎攢巒與山無窮此種山甚類黃鶴山樵所寫者文至此截然而止。 能不仰溯而求其睾極乃峯勢非博其上小山必如螺髻縣亙而作遠勢故 右石勢自亭外下趨及水而止石根已不可見此是自亭下矚之石狀然不 景物頓異矣又觀其上青壁斗絕沈於淵源莫究其極則此亭必當石壁之 文中乃立游亭以宅厥中。直亭之西石若掖分十六字則據要爲亭一覽而 則所謂萬石者亦不能歷歷皆貢於眉睫之下此處安頓一亭大有工夫觀

尊惡德遠矣自古孰羨淫昏俾我斯啓千歲之冥公關其戶我子洎孫延世 公愌其肌我有病癃公起其羸髫童之嚚公實智之鰥孤孔艱公實遂之孰 道州薛伯高毀异亭神記中有州民之歌子厚又作鎗手矣歌曰我有蕎老。 純用換字法收處承上祥字作翻騰音節旣古筆尤狡譎。 字是代利字冰雪之所儲儲字是代積字豺虎之所廬廬字是代窟字以上 而不吾貨也貨字是代酬字是以病而始焉病字是代苦字先賴而後力賴

不作可也矯作轉不足以傳信然文敍伯高之果毅力毀淫詞却寫得生氣

有慕試聞歌中音節歌中氣味及其顏色是否柳州所爲若果無所謂歌者。

永州龍興寺東邱記與曠並重然自屏以密竹聯以曲梁以下專寫與字於

曠字意特略然而與字可使之曠曠者不能使與因綠縟幽蔭而成與則芟

黃溪一記爲柳州集中第一得意之筆雖合荆闊董巨四大家不能描而肖 勿披勿攘行文雅有殊致。 之披攘者又盛狀與字之美似歌非歌爲有韻之文意在留與正以配曠慎 除又立見其曠今防遊者以邃為病而後來之與萬不足恃故記之用戒後 奇麗動目者則略若剖大甕側立千尺溪水積焉則此石必高立盧其腹若 惑見爲眞智即攀迷爲正覺捨大闇爲光明尤稱開軒之意 **所不蹋焉三語氣象包羅其下可以不贅餘語矣收筆用佛氏之言可以轉** 永州龍與寺西軒記則又主嗾而不主與其曰戶之外爲軒臨攀木之於無 云黛蓄育停者水抵石而止石上蒼綠之色下映水中故云黛蓄所云來若 牛瓠所云溪水積者石之下牛仰出溪底溪水既平遂漫此剖甕之下方其 也入手蓉漢書西南夷傳永最善黃溪最善簡括入古其下寫石狀矣其最

字即抵不過山石因折而他逝耳其所以盪擊之故又在顧委勢峻四字勢

生出水勢南來山石當水之去路水不能直瀉自轉而東流故成爲屈折屈

能更深乃反而徐行也其下買潭上田而觀水語亦修潔惟曲寫潭狀煞費 射涯字似土石雜學故土盡至石著一畢字即年久水齧石成深槽至此不 者水勢也委者潭勢也水至而下迸注其全力趨涯如矢中深者爲水力所

然不動。俶爾遠遊往來翕忽之狀,一經日光所撒了然俱見撒字即照及潭 所依不是寫魚是寫日光日光未下澈魚在樹陰蔓條之下如何能見其恰 絡搖綴參差披拂是無人管領艸木自爲生意寫溪中魚百許頭空游岩無 框 妍 專 巖非眞有是物。特石自水底挺出成此四狀其上加以清樹翠 蔓蒙 小石潭記則水石合寫一種幽僻冷豔之狀頗似浙西花隖之藕香橋珉嶼 序同一口吻。 假有見道之意其下復糞及貴游者之爭買則名心到底不忘仍與愚溪詩 是下趨狀角列是上挺狀其下目謀耳謀神謀心謀四謀字以外虛成內徹。 相累而下者若牛馬之飲於溪其衝然角列而上者若熊羆之登於山相累 鈷鉧潭記記水也鈷鉧潭西小邱記記石也狀石易於狀水神氣全在嶔然 無數力量非柳州不復能道。 女 QT. 宪法

研究法

底意見底即假不能見水所謂空遊無依者皆潭水受日所致一小小題目。

謂其漫記山水也舟行若窮忽又無際此景又甚類浙之西溪大抵南中溪 流多抱山山趺入水兩山夾之則溪流狹山趺一縮則溪面卽宏闊初行若

袁家渴記於水石容態之外,乘寫艸木每一篇必有一篇中之主人翁不能

滅可見此中不必有路特借之爲有餘不盡之思至竹樹環合寂寥無人文 至於窮形盡相物無遁情體物直到精徵地步矣潭西南而望斗折蛇行明

有詩境是柳州本色。

蓊葧香氣衝濤旋瀨退貯溪谷搖颺歲蕤與時推移等旬均把水聲花氣樹 點綴却亦易寫妙在拈出一個風字將草木收縮入風字總寫凡紛紅駭綠。 窮舟未繞山而轉也忽叉無際則轉處見溪矣大木楓柟小艸藺芷在文中

響作一總束又從其中渲染出奇光異朵尤覺動目綜而言之此等文字須

起所以衆矢交集此皆京兆眼見故能曲諒己心不惜一箋相投也幸獲寬 不可力强之故所以有不測之辜然咎由自取不敢怨人而所難防者攻已 親近二王然自問夙心初不爲惡至於羣言沸騰鬼神交怒則皆不知愚陋。 寫法愈推進則京兆之書亦愈重矣宗元早歲與貧罪者親善是自承不應 見及見得得京兆之書自極寶貴所難又在貧病瘴癘之郷此是推進一層 黎之穿插變幻到喫緊處偏放鬆及正面時轉逆寫然亦自成爲柳州氣格。 寄京兆許孟容書詞語至哀痛而段落又至分明逐層皆有停頓雖不如昌 柳州山水近治可遊者記質樸如昌黎畫記似水經注。 含一股靜氣又須十分畫理。再著以一段詩情。方能成此傑構 之短皆當日有求不遂之人彼填門排戶百不一得怨灩詆訶均由此輩而 此無他性情眞而文字亦無有不動人者開端言得罪五年故舊大臣無書 文研究法

與楊京兆書極長中間只分兩大段,一論薦賢一論文章末仍求歸郷閭立 **德於不報之所。二語是通篇關鎖阨要之言。** 歸盧得嗣而已把上三段陳書之意作一總結切實在興哀於無用之地垂 亦不能復爲士列,再希當世之用見得上書之意。並無意外請託但冀埽墓 鄭詹鍾儀諸人。冀可得生然微嫌詞費,其下言欲著書自見亦復才力不足。 **廬背出自謫宦思歸之心緒自古賢人一段廣徵古來受誣得罪之人又引** 貸是不敢觖望語迷不知恥是尚有希望意以下三段念嗣額思營兆懷數 與韓愈論史官書詞意嚴切文亦髣髴退之此爲子厚與書類中之第一篇。 室家意無甚意味。

職旣畏刑禍則不宜領職故劈頭說破如退之不宜 | 日在館下更舉 | 個 退之答劉秀才書言爲史者不有人禍必有天刑柳州則以爲退之身棄史

柳州與友人論爲文書與昌黎異昌黎諸書是論作文之艱苦及回甘之滋 然。 高退之不強餘力亦見得朋友相知之深故貴望如此文逐層翻駁正氣凛 之美如退之。生平秉直如退之似必不懼乃仍懼而不爲則唐史將何望拾 推崇與慰勉二意後幅將恐字遏下言恐刑灍者非明人而學如退之議論 盡由作史之得鴯綜言之恃直恃道則一無所恐不惟斥駁退之語中亦含 說皆有道者不畏刑禍之意引孔子周公史佚及作史諸人之不幸然亦不 然則但榮其號利其祿而已榮利二字實爲道字之反證以下復將道字演 史中丞大失更當閉口不言又推進一層言宰相爲主生殺更當不敢爲言。 畏刑禍而不爲直誑得無言可對矣其下推進一層言史官且懼禍若爲御 女研究法

道字。卽緊對榮字說說得史職非榮所重在有道之褒貶。退之以道自任乃

喙,柳州則但敍文人之遇及爲文之流弊而已意蓋輕藐流輩之不知文雖

汲防其無名的無名即是文高而知寡耳於是痛詈當世文家之流弊奪朱 文連昌榮皆在身後。尤有文不傳於後祀聲遂絕於天下此則子厚自方汲 顯晦談之辯訥鑒之頗正交之廣狹似其中皆有運命存焉彼楊雄馬遷之 能無期皇然得名者寡湮沒者多此其所以難也其言知之難則繁乎道之 分得與知之難孽爲兩大段其言得之難意爲文者不必無瑕累求傳者不 有獨得之祕世亦莫知故破題說一難字不惟得之爲難知亦愈難其下遂

病實則能去弊病則文體自趨於正。

風雅為害已甚又迴顧到得者之難通篇大意均未言作文之法但切指弊

與李陸州論服氣書其文神似國策服氣之非宜想吳武陵書中已極攻而

深詆之惜其書未附本文之後文閒閒將愚溪柳下望見睦州顏色敍起其

成一力警醒睦州言外之意蓋謂卽有碩師而服氣一道終屬妄誕况睦州 傳者。卒不能得故雖窮日夜弊歲紀愈遠而不近則質言無碩師之斷不可 切撤盡但切指陸州所據之丹經決不可用因自引少時學琴與學書不得 書斥駮列仙方士云云却於武陵下加輕健兩字見得武陵固未嘗服氣者 碩師之無效驗處歷歷自承其慚其言自慚者代睦州慚也又曰其所不可 氣之非以吳武陵前曾有書若再與辯駁微嫌近費故將審天康寧疾病。 意趣令人讀之莞然陽德其言陰黜其忠造語尤工妙尤妙在不更斥言服 也其日貌笑口順而神不偕來此九字是描寫睦州頁固不服狀態和婉有 日貌加老而心少歡偷七字已將服氣之無驗痛下一針遂疾入吳武陵作

憑其所藏之書寧可信耶文已擂破後壁無餘義矣又恐睦州不信於是廣 之所得書不過在虛遵李計二人家而此二人者又皆不能知服氣之術但 致五藏之安是文中本意 思去其害文似過演然不如是不足以伸前半之意後幅勸其極五昧之適 兩兩提較友則思存其道客則思存其利宗族姻婭則思存其戚子姓親呢

耳說得明白痛快出語類策士之辯收束處復將以上數種人與睦州之讎 盡人呰不謂然偶謂然者或爲睦州之讎讎之然其説其意蓋不善於睦州

則思存其恩威獲僕妾則思存其主將卒吏胥則思存其勢獨讎睦州者則

州賀王参元失火書正是此意書意似怪特然唯有唐之矯激始有此怪特 唐時朝士居顯要者多矯激而避嫌於昌黎送奇矏下第敍中已見之矣柳 之書失火有何可質質在一火之後可以蕩滌行賄冒進之名書中始駭中

祭呂衡州文至沈痛以子厚與之同貶物傷其類故耳一矢口即咎天其日 知己之短似能文以占人間之勝地即有小過亦當爲己原諒一經取戾即 至於流貶以死將怨人乎如怨天耶鄙意文人多自覓又多護前往往不自 文與伦到底爲有罪無罪雖以子厚之善辯而亦不敢言其無罪因罪人而 乃益憤戾。遂至口不擇言試問八司馬不附王叔文天又將如之何實則叔 之激切。似非明者之言。蓋子厚天說中,已斥言天之無知。又因衡州之早死。 蒼蒼之無信漢漢之無神於化光之歿悲逾深而毒逾甚故呼天以云云詞 聰明正直行爲君子天必速其死道德仁義。志存生人天必夭其身,吾固知 柳州啓事及章表在唐人制詔中亦平平耳故不錄。

嫌意否塞令人愴喟無已。

疑終喜分三段抒寫似奇而實予似恕而實憤第三段寫公道難明世人多

文就其交情論交情亦自成其氣幹其日道大藝備斯爲全德期許衡州不 志死。似衡州之亡而已之頗力。亦與之俱亡此所以宜哭也末幅將衡州死 謫之後洗宥前告恢復其初志意託痛哭衡州之文。一傾吐之耳至云道息 行功不得施及朋友凋喪志業殆絕語此非專哭衡州之言是子厚欲從流 言已聞道咸賴化光則朋友切磋之感固應有此一副眼淚所慟者志不得 無太過然不如此說成則下文官止刺一州。年不逾四十亦不見其沈痛又

子厚祭弟宗直文不如昌黎祭十二郎文縣互其哀音然眞摯處乃不之遜。

後精靈盗入空中辜繪音長而韻哀是謫宦傷逝之情懷文人不平之屬怨

未有男子宗直在客子厚流眨異鄉骨肉相依爲命而宗直又舍之而去則 四房子姓各為單子則宗直之死於柳氏大有關係可知宗直亡而子厚又

之衰可知至此幾於凡爲宗直所屬意者皆形寶貴語語從至情中流出無 卿大意均根上文四房子姓各為單子而來,外婦之子,亦允爲小宗則柳氏 有歸撫育教視使如己子吾身未死如汝存焉此數行中無盡深情無窮體 在永州私有孕婦,吾專優與以俟其期男爲小宗女亦當愛延子長大必使 單子中又獨存爲單子幾於心緒茫亂不知所爲但有呼天咎恨而已至知 老淚爲之涔涔然。 弟槍之左右此時眞舍死以外無善途讀子厚文迴思四十二年前事不期 至臺灣野寺中撫其旅櫬而慟白骨皚皚不知誰氏之柩棺破而骨見卽瀕 **矯偽末寫厝棺蕭寺之慘狀臨棺痛哭之誓詞不肖於亡弟炳耀之喪曾**

1九六十三十二購十二時四元一二、東光一市暑

							Ħ
	多山	· >		1-4	121	權	版
	發	印發	著				四民中
(本省校對者能仲益)	行	刷行	作		韓	韓	· 莅 十
	所	者象	者		外 學 的 加 定 價	例文研究法一	
	商務印書館	商谷印度驻住	林		加速设医设置 大洋 肆 角		

四三四六上

